

VHURANGAPHANDA

 Ndi a ni livhuwa, Mukomana Williams. Dzindumeliso, Mukomana Salano na mufumakadzi wawe, na vhurumelwa hothe fhano kha tshino tshimima madekwana a ḥamusi. Zwa vhukuma ndi pfanelo khulwane u vha fhano. Ndo sedza phanda kha ino awara u bva tshee ra thoma nga heyi ndila.

² Huno ndi—ndi ḥodou livhuwa uyo mufumakadzi, a thi humbuli dzina ḥawé, Billy o tou mmbudza fhedzi, zwauri o n̄ea bogisi la malegere a Khushumusi, huno o tou li disa nnda góloini zwifhinga zwi si gathi zwo fhiraho. Khaladži, a thi humbuli dzina ḥawé, u bva fhano California. Itsho tsho vha tshifhiwa tshanga tsha u thoma tsha Khushumusi. Ngauralo ndi—ndi a ni livhuwa khatsho.

³ Zwino, madekwana a ḥamusi ndi... Zwino Tucson ndi miniti ya fumi u bva kha awara ya ṭahe, fhedzi ndi elekanya zwauri hu tou vha miniti ya fumi u bva kha awara ya malo fhano. Ngauralo riñe... ndi na luñwe lushaka lwa vhuđipfi vhukati ha vhathu, ndi sokou vha na u lapfisa ndi tshi rera, ngauralo ndi—ndi a fulufhela...[Tshivhidzo tshi vhanda zwanda—Mudz.] Ndi a ni livhuwa. Vho raloho... vhañwe vhathu vhavhuđi ngomu fhano. Ndi a ni livhuwa.

⁴ Fhedzi ndi—ndi tou vha ane a si tsha vha na zwine a nga rera zwitukunyana, kaṭukutuku, madekwana a ḥamusi, ndo vha ndi tshi khou tshimbila tshikhala tshilapfu ḥga maandža u bva—u bva Shreveport na kha shango lothe (ndi tshi khou da thungo ino) vhusiku na vhusiku, huno ni sokou vha na u dinha hutuku—hutuku, ni a ḫivha, na phepho, huno mukulo wañu u vha na manzaranzara. Ndo thoma Shreveport. Ndo xelewla nga mavhudzi anga musi ndi... miñwaha i si gathi yo fhiraho. Huno ndo vha ndi na tshipiđa tshituku tshine nda tshi ambara musi ndi tshi rera shangoni ḥa devhula, u itela uri ndi si džhenwe nga phepho. Ndo ya Shreveport huno nda tshi hangwa, huno zwa vhukuma nda džhenwa nga phepho. Uyo muya u tshi buda nga u ralo, zwa vhukuma a ni tou ḫivha. Yo bviswa nga mawela, huno lukanda lu kha di vha lutete, huno nga biko l̄ituku fhedzi zwa vhukuma ndo i wana mukuloni; ndo do tea u vala miñangano minzhi. Ngauralo ndi tou vha na manzaranzara zwituku madekwana a ḥamusi.

⁵ Ri ḥodou ri ro vha na tshifhinga tshi mangadzaho musi ri tshi buda hafha, nangwe, kha miñangano. Vhusiku ho fhiraho ro vha na tshifhinga tshi mangadzaho ngei n̄tha... ri na vharathu, n̄tha, kha iñwe khuvhangano. Ngauralo ro vha na gogo l̄ihulwane nn̄da na u dalelwa hu mangadzaho, vhathu vha na khuliso ḥga maandža nahone vhe vhavhuđi. Ngauralo

zwi nnyita uri ndi pfe ndi wavhudi vhukuma u vha tshipida tsha Vhanna Vha Bindu Vha Mañhongo-mañdifa O Ðalaho. Ho vha . . .

⁶ Ndi na Mulaedza, ndi a pfa, u bva ha Mudzimu. Wo pambuwa zwiñuku kha vhañwe vhathu. Huno ndi nga si kone u si tsha vha . . . ndi tea u vha zwine nda vha zwone. Huno rine . . . a thi khou amba u vha o fhambanaho, hu tou vha hu uri ndi—ndi khou tshila tshifhingani tshi shandukaho. Ri a . . .

⁷ Musi ni tshi khou di fhaña luvhondo nga ndila nthihi yo onyolowaho, ndi zwavhudi tshoñthe, vha—vhafhañi vha nga tsela phasi nga mutalo. Fhedzi musi ni tshi tea u khona, afho ndi hune tshifhinga . . . Huno a ri khou fhaña luvhondo; ri khou fhaña nnđu, ni a vhona, ngauralo idzi khone dzi tea u ña. Dzo da nga tshikhathi tsha Martin Luther, John Wesley, na tshikhathi tsha Pentekoste; dzi fhano hafhu. Ngauralo riñe . . . zwi a konda u khona dzikhuñani. Fhedzi ndi livhuwa nga maanda . . . kha Mudzimu, nahó zwo konda hani, vhathu vho fhindula nga phesente dza dana. Ngauralo ri a livhuwa nga maanda, ri livhuwa muiwe na muñwe wañu.

Huno zwino ri sa athu vula Bugu, kha ri ambe na Muñwali, arali ni tshi funa, lwa tshifhinganyana, musi ri tshi kotamisa zwifhañtuwo zwashu:

⁸ Mudzimu a funwaho, ri a U livhuwa madekwana a ñamusí kha pfanelo ya u ñivha Yesu Kristo (Mutshidzi washu) Murwa Wau, kha khangwelo ya zwivhi zwashu i si na mbadelo, na u ñivha uri Malofha Awe o edana e a fukedza zwivhi zwashu zweñthe na vhutshinyi hashu. Zwo thuthiwa tshoñthe nahone zwa džheniswa lwanzeni lwa khangwa dza Mudzimu huno Muselwa Wawe u ño ima kha Tshilalelo tsha Mbingano, o tamba, a songo vangwa, u mala Murwa wa Mudzimu. Nga ndila ine ra U livhuwa kha u edana hoñthe uhu na lutendo lwa u ñivha uri a ri fulufheli kha mishumo yashu fhedzi kha mushumo Wawe u woñthe, kha zwe A ri itela zwone. Ri a livhuwa nga maanda.

⁹ Ri a U livhuwa kha mve—mvelele dze avha vharathu vha vha nadzo seli ha lwanzhe na mashango a nga hangei hune vha khou pfa ndala na ñora la Mudzimu. Ndi a rabela, Murena, uri arali vha humela murahu hafhu, uri avho vhana vhe vha vha ñisa Muvhusoni vha ño vha vhomakhulukuku vha vhakegulu na vhomakhulu vha vhakalaha vha vhana vhane vha vha džhenisa—vho. Zwi tendele, Khotsi.

¹⁰ Ri fhañutshedze roñthe, madekwana a ñamusí, huno ngavhe Muya Mukhethwa u tshi ri ñea zwithu zwine ra ñoda. Vala milomo yashu kha zwithu zwine ri si tee u zwi amba, huno u vule mbilu dzashu uri ri ñanganedze zwine Wa ño ri vhudza zwone. Zwi tendele, Khotsi. Dzinani la Yesu ri a rabela. Amene.

¹¹ Zwino kha ri vule Bivhilini kha linwalwa lituku line nda todou amba nga halo lwa tshifhinganyana madekwana a namusi, huno li wanala nga hangei kha Marko Mukhethwa, ndima ya 10.

¹² Huno ndo vha ndi na... Minwaha i si gathi yo fhiraho musi ndo vha ndi tshi khou yo amba, ndo vha ndi tshi do—ndo vha ndi si nga vhuyi nda tea u nwala notsi, ndo vha ndi tshi zwi elelwa. Huno ndo vha ndi sa tei u dzhia phere ya ngilasi uri ndi li vhale Bivhilini. Fhedzi tshee nda fhira ya fumbilihanu zwino, kavhili, huno zwi todou nga u nkondela zwiłuku u—u ita sa zwe nda vha ndi tshi anzela u ita. Huno zwi fana na modoro wo tahanalo, fhedzi ndi kha di gidima. Uh-huh, ndi todou dzula ndi tshi khou bvuma u swika zwi tshi...ndi ya thulwini ya zwikirepe u vhumbwa hafhu. Iyo ndi pfulufhedziso.

¹³ Luka Mukhethwa, ndima ya 10, huno ra thoma kha... ndi a tenda uri ndo ri kha ndimana ya 21, arali ndi tshi nga i wana hafha huñwe fhethu. Ndo khakha, ndi Marko Mukhethwa. Ndi a qisola.

¹⁴ Marko Mukhethwa, ndima ya 10, nahone ya fu—fumbili...ri tshi thoma kha ndimana ya 21, ndi todou vhalala. Kha ri wane ndimana ya 17, ndi ralo:

Huno musi o no ḥuwa a dzhena ndilani, ha ḫa muñwe a tshi khou gidima, huno a wa nga magona phanda hawé, huno a mu vhudzisa, a ri, Muñe wavyudi, naa ndi ḫo itani uri ndi kone u la ifa la vhutshilo vhu sa pheli?

Huno Yesu a ri khae, Ndi ngani u tshi mmbidza wavvudu? a hu na wavyudi nga nn̄da ha muthihhi, huno uyo ndi, Mudzimu.

Iwe u divha milayo, U songo ita vhupombwe, U songo vhulaha, U songo tswa, U songo amba vhuñanzi ha u zwifha, U songo fhura, Hulisa khotsi au na mme au.

Huno a fhindula huno a ri khae, Muñe, hezwi zwoñthe ndo zwi tevhedza u bva hanani hanga.

Zwenezwo a ri... Zwenezwo Yesu o mu lavhelesa a mu funa, huno a ri kha ene, U shaya tshithu tshithihi: dzhena ndilani yau, huno u rengise tshinñwe na tshinñwe tshire wa vha natsho, huno, nea vhashai, huno u do vha na lupfumo ḫadulu: huno u de, huno u hwale tshifhambano tshau, huno u ntevhеле.

Huno ilo fhungo la mu tungufhadza, huno a ḥuwa o thavhea: nge a vha e na ndaka nnzhi.

Huno ngavhe Murena a tshi fhañutshedza u vhalwa ha Ipfi Lawe.

¹⁵ Zwino, ri khou yo amba nga ha ḫoho madekwana a namusi. Ndi ḫoda linwalwa langa li tshi vha “Ntevheleni,” huno ḫoho yanga ndi: Vhurangaphanda.

¹⁶ Zwino zwi a kanukisa, fhedzi ndo elekanya uri khamusi, namusi nga u rabela... Huno ndo lapfisesa, huno vhusiku vhuñwe na vhuñwe u swika heneffo kha mutualadzi wa fhasi kha Mulaedza une nda vha nawo, we Murena a nnea uri ndi ambe ngawo. Ndo elekanya uri madekwana a namusi, nga hangeno kha iyi ndima ntswa, ndi do sendela khawo nga kuvhonele kwo fhambanaho. Huno ro no amba nga hawo zwifhinga zwinzhi, ra u vhidza, "Muvhusi Muswa O Pfumaho." Huno—huno vhanzhi vha vhashumeli fhano, vharathu vhanga, a hu na thimothimo ya uri vho no sendela khawo nga ndila dzo fhambanaho. Huno ndi todou lingedza u sendela khawo nga ndi—ndila yo fhambanaho madekwana a namusi na zwe nda vhuya nda ita, uyu wa *Vhurangaphanda*.

¹⁷ Heli, elelwani heli, la uri muñwe na muñwe washu, muswa na mualuwa, liga lanu la u thoma le na vhuya na li dzhia vhatshiloni hanu, muñwe muthu o do tea u ni ranga phanda. Izwo ndi zwone. Huno liga lanu la u fhedza line na vhuya na li dzhia, muñwe muthu u do vha a tshi khou ni ranga phanda. Muñwe muthu u tea u ranga phanda.

¹⁸ Mudzimu o ri fanyisa na nngu. Huno arali muñwe a tshi divha nga ha u fuwa nngu na kudzulele kwa nngu, mulandu, ni a divha uri nngu a i koni u wana ndila yayo. I tea u rangwa phanda. Na zwitumbani zwa vhatshavelo, ri wana uri vha disa nngu heneffo huno i rangwa phanda nga mbudzi i tshi ya vhatshaveloni. Mbudzi i a i ranga phanda, zwenezwo musi i tshi swika magumoni a tshuti i fhufhela nnnda, huno nngu i dzhena heneffo vhatshaveloni. Ngauralo dzi... Ri wana uri nngu a i koni u wana ndila yayo.

¹⁹ Ndi elelwa tshenzhemo ye nda vha nayo na iñwe, nga tshiñwe tshifhinga. Ndo vha ndi mulindi wa phukha wa muvhuso ngei Indiana, huno ndo vha ndi nnnda tsimuni; huno nda pfa tshiñwe tshithu, tshililo tshi tungufhadzaho nga maanda. Huno yo vha i ngwa—ngwana thukhu, ye ya vha—ye ya vha yo xelelwa nga mme ayo. Huno yo kundelwa u wana ndila yayo ya u ya khavho, na mme vho kundelwa u wana ndila yavho ya u ya kha—kha ngwana thukhu. Nda takula uyo muthada muñku, huno a edela o dzika hani o ditika nga nne. Nda tuwa heneffo, zwanda zwanga zwo takula muthada uyo muñku. Huno a tshi lila, huno—huno nda mu pfa. Nga ndila ye a tou sunguvhedza thoho yawe thukhu fhasi hanga huno a vhonala a tshi nga u a divha uri ndi—ndi—ndi khou yo mu thusa.

²⁰ Nda elekanya, "Oo Tombo la Zwikhathi, lo vhadelwaho nne, ntakule zwandani zwa Murena Yesu, nda tou fushea sa izwi ndi tshi divha uri ndi—ndi khou do ya Hayani u vha na vhafunwa vhanga." Nda elekanya, "Magumoni a lwendo lwa vhatshilo hanga, itou nnzhenisa zwandani Zwau, Murena, nga u ralo. Izwo ndi a divha uri ndi do pfukiswa mulambo

tshifhingani itsho, henengei kha liñwe sia hune hu sa do vha na mañtungu na malwadze, na zwithu, huno ndi do vha na vhafunwa vhe nda vha funa.”

²¹ Huno arali ni tshi do guda mupo, hu na tshithu tshihulwane kha mupo. Tshiñwe na tshiñwe tshine nda—tshine nda tshi sedza, huno tsho itwa nga Mudzimu, Ndi ene Musimuli wa mupo. Mupo u tshimbila nga nyandano. Mupo woþhe u tshimbila u þodou fana. Inwi ni dzhiela nzhele, tshiñwe na tshiñwe... Sa izwi ndo amba, ndi a tenda madekwe, uri “Mupo u þanziela nga ha Mudzimu.” Arali ni songo vha na Bivhili na kathihi, no vha ni tshi nga kha di sedzesu mupo huno na ðivha uri iyi Bivhili ndi Ngoho.

²² Ndo—ndo vha na pfanelo ya u mona na u mona na shango. Huno ndo no vhala ndima dzo fhambanaho, nahone ndo no vhona vhurereli ho fhambanaho; Vhamuhammede, huno ndo no vhala Korani, nahone—nahone nda vhona Vhasikhi, Vhajainsi, na Vhamuhammede, na Vhabuddha, na vhaiñwe. Fhedzi naho two ralo, muñwe na muñwe wavho, vha na filosofi na bu—bu—bu—bugu ya ndaela na bugu ya milayo, na zwiñwe-vho. Fhedzi Bivhili yashu ndi Ngoho, nahone Mudzimu washu ndi Ene fhedzi o lugaho; ngauri muñwe na muñwe wavho u tea u sumba kha tshalo huñwe fhetu hune muthomi wavho a kha di vha o edela, fhedzi Vhukriste vhu sumba kha vhiða lo vuleaho nahone vhu nga tshila Vhuhoneni ha Ene we a vhewa ngomu henefho. U a tshila! A si Mudzimu we a vha *e hone*, Ndi Mudzimu a *re hone*. A si “*Ndo vha ndi hone*” kana “*Ndi do vha hone*,” fhedzi “NDI HONE.”

²³ Huno mupo woþhe u tshimbila nga nyandano, sa zwe nda amba, ndi tshi khou amba nga ha Zwikhathi Zwa Tshivhidzo tshashu (zwine ra vha na bugu zwino dzi no khou bva). Tshone... Ndi ngani ndo... malugana na u riwala hanga Zwikhathi Zwa Tshivhidzo. Na nga ndila ine ra vhona Tshivhidzo, nga ndila ye Tsha aluwa, tshi ða kokotolo vhunga mupo woþhe u tshi ita.

²⁴ Huno ro vha ri tshi khou amba nga liñwe ðuvha nga ha uri ðuvha li þavha hani nga matsheloni, ndi lushie luþuku, lu shayaho nungo vhukuma, lu si na nungo dzo eðanaho na luthihi. Huno musi ðuvha li tshi bvela phanda, li vha na maanda, li vha na maanda. I tshi þodou rwa awara ya malo ntha ha tshithoma li dzhena tshikoloni, vhunga mutukana muswa kana musidzana muswa. Huno zwenezwo i tshi þodou rwa awara ya fuminthihi ntha ha tshithoma lo bva tshikoloni, huno lo lugela tshu—tshumelo yaþo. Huno zwenezwo la buda u swika i tshi þodou rwa awara ya vhuraru ntha ha tshithoma la shanduka, vhutshiloni ha vhukati u dzhena kha vhualuwa. Huno zwenezwo li a fa nga masiari. Naa ndi one magumo a ðuvha? Hai. Li a vhuya nga matsheloni a tevhelaho, u þanziela uru hu na vhutshilo, lufu, mbulungo, mvuwo. Ni a vhona? Ni a vhona?

²⁵ Ri sedza miri, nga ndila ine ya sudzuluwa na zwine ya ita. Nga tshiriwe tshifhinga tsho fhiraho ndo vha ndi ngei Kentucky, ndi—ndi takalela u zwima zwisindi, huno nda tsela henengei fhasi luṭavula lu tshi dzhena u zwima zwisindi na khonani yanga. Huno ho...ho no oma nga maanda.

²⁶ Huno muñwe na muñwe we a vhuya a zwima tshisindi tshitsetha, u a diwha uri zwi konda hani u zwi dodela. Musi, ma—maṭari, itonu paḍula lithihi, huno, oo, Houdini ndi muponyi-mukonesi amatshoro kha—kha avho vhatuada, nga ndila ine vha kona u shavha! Huno zwenezwo u lingedza u thuntsha hala dza maṭo kha dzharaṭa dza futhanu, zwi dzhia u zwima havhuđi u wana mpimo wanu nga ḋuvha.

²⁷ Ngauralo, Vho-Wood, khonani yanga, Thanzi ya Yehova yo—yo rembuluwaho, vho vha vhe na nne. Huno riñe...A ri, “Ndi diwha bulasi nga hangeno hune ha vha na munna a re na vhunzhi ha...” Ngei ri dzi vhidza, “dzhilolara.”

²⁸ Ndi vhangana vha no divha uri *holara* ndi mini? Zwo luga, naa ni bva kha tshipida tshifhio tsha Kentucky, naho zwo ralo? Ni a vhona? Huno afhō ndi hone hune nda bva hone.

²⁹ Vhunga fhano kha iñwe ya dzikhuvhangano, zwa zwenezwino; izwi ndi tea u zwi vhudza Mukomana Williams na avho, vharathu. Vho ri, “Zwino ri do ima huno ra imba luimbo lwa lushaka—luimbo.”

³⁰ Huno nda ri, “*U itela haya hanga ha kale Kentucky.*” Ngauralo a hu na muthu we a lu imba na nne, ngauralo... Ulwo lwo vha lwone luimbo lu lwoṭhe lwe nda vha ndi tshi lu divha. Huno ngauralo ro vha—ro vha zwino...

³¹ Zwo luga, muñe wanga. [Mukomana Branham u nekedzwa luñwalonyana—Mudz.]: “Ndi humbelo uri ni ite thabelo, ni tshi itela mufumakadzi ngomu hafha zwino a no khou bva mikota.”

Kha ri rabele:

³² Mudzimu a funwaho, ndi a U humbelo, Murena, Iwe u—u Mufhodzi muhulwane huno ndi humbelo uri tshilidzi Tshau na khathutshelo zwi kwame uyu musadzi a funwaho zwenezwino huno zwi imise ayo malofha. Sa vhatu vha tendaho vho kuvhanganaho vhoṭhe, mufumakadzi o da fhano u diphina nga Ipfi la Murena na vhuṭama ha vhatu, huno ndi a U humbelo, Murena, zwenezwino, u kaidza swina nahone wa imisa malofha. Dzinani la Yesu Kristo. Amene. (Nahone ri a zwi tenda...?...)

³³ Ri bvela phanda na nganea thukhu u tou itela u wana vhudipfi ri sa athu dzhena tshoṭhe kha notsi dzi si gathi dze nda dzi ḋwala hafha, na luñwe Luñwalo.

³⁴ Zwino o ri, “Zwo luga, uyu mukalaha, ri do ya ra mu vhona. Una dziholara nnzhi fhethu hawé,” a ralo, “fhedzi u a sa tendi.” A ri, “Arali... A nga ḫodou ri sema arali ro ya henengei.”

³⁵ Nda ri, “Fhedzi a ri khou wana zwisindi fhano. Ro fhedza vhege mbili ro gammiba.” Huno ro vha ri na tshika, na ndebvu dzo bva dzo^{the} tshifhatuwoni.

³⁶ Huno a ri, “Zwo ralo?”

Nda ri, “Kha ri ye henengei.”

³⁷ Ngauralo ra tsela phasi lwa maela dzi si gathi, maela dzi no ḥodou lingana fumbili. Ndo vhuya nda vha heneffo shangoni iļo luthihi, lwa masiku mararu, fhethu ha u gammiba ha Methodisi he ha vha hu na zwiñwe zwithu zwiñwane zwe Murena a vha o no ita, na tshumelo khulwane ya phodzo vhukati ha vhathu vha Methodisi. Huno zwenezwo ra humela murahurahu ra pfuka mivhundu na dziholara na miduthwa. Huno inwi ni tou tea u divha Kentucky uri ni i divhe, uri ndi lushaka-de lwa fhethu hune na do tea u dzhena ngomu. Huno musi ri tshi humela ngei murāhu ra swika kha nndu, huno heneffo ho vha ho dzula mukalaha, vhakalaha vhavhili, vho dzula heneffo nn̄da vhe na miñadzi ya kale yo tshingamelaho phasi zwifhatuwoni zwavho, huno—huno a ri, “Ngoulāa,” a ri, “u a kondā.” Ha pfi, “U vhenga ipfi la ‘mureri,’” a ralo.

³⁸ Ngauralo nda ri, “Zwo ralo, ndi khwine ndi tshi tou dzula modoroni, kana ri nga si ye u zwima na luthihi.” Nda ri, “Inwi džhenani ni mu humbele arali ri tshi nga zwima.”

³⁹ Ngauralo a bva a thoma u dzhena, a amba navho. Huno Kentucky, tshifhinga tsho^{the}, ni a divha, ndi “džhenani,” na zwiñwe-vho. Huno ngauralo a gonya ngei n̄tha a ri, “Ndo vha ndi tshi khou ri ri nga zwima naa lwa tshifhinganyana fhethu havho.”

⁴⁰ Mukalaha o dzula heneffo, e na miñwaha i no ḥodou swika fusumbe-ñhanu, fola li tshi khou elela mulomoni wawé, a ri... ipfani, nahone a ri, “Dzina ḥanu ndi liphio?”

A ri, “Dzina ḥanga ndi Wood.”

A ri, “Naa ni shaka la mukalaha Jim we a vha a tshi anzela u dzula...”

A ri, “Iina, ndi mutukana wa Jim.” Ha pfi, “Nñe ndi Banks. Iina.”

⁴¹ “Ndi zwone,” a ri, “mukalaha Jim o vha e munna a fhulufhedzeaho.” Ha pfi, “Zwa vhukuma, di vhoneleni.” A ri—a ri, “Naa ni no^{the}? ”

A ri, “Hai, mufunzi wanga u ngei nn̄da.”

A ri, “Mini?”

A ri, “Mufunzi wanga u nn̄da modoroni,” ha pfi, “u khou zwima na nñe.”

⁴² A ri, “Wood, a ni khou amba zwauri no no tsela phasi nga maanda u swika ni tshi tea u hwala mureri huñwe na huñwe hune na ya?”

⁴³ Ngauralo o vha e mvumbo i kondaho, ya kale, ngauralo nda elekanya zwauri ndi khwine ndi tshi bva modoroni, ni a divha. Ngauralo nda bva nda mona-mona, huno a ri, “Zwo luga, nahone ni mureri, huh?”

⁴⁴ Nda ri, “Ee, muñe wanga.” A ntsedza n̄tha na fhasi; malofha a tshisindi, n̄a tshika. A ri—a ri...nda ri, “A thi fani nga maanda nae.”

⁴⁵ A ri, “Zwo luga, ndi a li takalela heļo.” A ri, “Ni a ðivha, ndi ḥodou ni vhudza tshiñwe tshithu.” A ri, “Ndi dzhiwā sa a sa tendi!”

⁴⁶ Nda ri, “Ee, muñe wanga, ilo ndo li pfesesa.” Nda ri, “A thi elekanyi uri ndi zwinzhi lune ni nga ðihudza ngazwo, nangwe. Ni a ralo?”

⁴⁷ Huno a ri, “Zwo ralo,” a ri, “A thi ðivhi.” A ri, “Ndi khou yo ni vhudza zwine nda elekanya nga ha vhoiñwi vhanna.”

Nda ri, “Zwo luga.”

⁴⁸ A ri, “Ni khou kватула gwati la muri u si wone.” Huno ndi vhangana vha no ðivha zwine izwo zwa amba? Ni a vhona? Zwi amba uri ndi mmbwa ya u zwifha, ni a vhona; a hu na phukha hangei n̄tha na luthihi, ni a vhona. A ri, “Ni khou kватула gwati la muri u si wone.”

Nda ri, “Izwo ndi u ya nga ha muhumbulo.”

⁴⁹ Huno a ri, “Ndi zwone,” a ri, “sedzani, ni a vhona ila tshumela ya kale yo imaho ngei n̄tha?”

“Ee.”

⁵⁰ “Ndo bebelwa henengei n̄tha, miñwaha ya fusumbethanu yo fhiraho.” Huno ha pfi, “Ndo dzula henehafha mivhunduni iyi, u mona hoþhe, miñwahani iyi yoþhe.” Huno ha pfi, “Ndo sedza thungo ya lutomboni, ndo sedza fhano na fhaða, huno, ngangoho, kha iyi miñwaha yoþhe ya fusumbethanu, ndo vha ndi tshi ðo vha ndo vhona tshiñwe tshithu tshi no nga Mudzimu. Naa a no ngo elekanya nga u ralo?”

⁵¹ Nda ri, “Zwo ralo, zwi ya na ngauri ni khou sedzani, ni a vhona, kana zwine na khou ḥoda.”

⁵² Huno a ri, “Zwo ralo,” a ri, “A—a thi tendi zwa vhukuma uri hu na tshivhumbwa tsho raloho. Huno ndi a tenda uri vhoiñwi vhathu ni sokou bvela nn̄da na fhura vhathu nga tshelede yavho na tshiñwe na tshiñwe. Huno iyo ndi ñdila ine zwa vha ngayo.”

⁵³ Nda ri, “Ndi zwone, ni mudzulapo wa Amerika, ni na pfanelo kha yañu—yañu ngelekanyo.”

⁵⁴ A ri, “Ho vha hu na munna muthihi, nga tshiñwe tshifhinga, we nda pfa nga hae,” a ri, “ane ngangoho ndi do...Arali a... Arali ndi tshi nga vhuya nda amba na uyo muthu,” ha pfi “Ndi ðo takalela u—mu vhudzisa mbudziso dzi si gathi.”

Nda ri, “Ee, muñe wanga.”

⁵⁵ A ri, “Ho vha hu mureri, ni nga di mu divha.” Ha pfi, “O vha na mutangano hafha n̄tha Campbellsville, zwa zwenezwino, dzharañani ya tshivhidzo henengei n̄tha, fhethu ha u gammiba.” Huno a ri, “Ndi hangwa dzina laue.” Ha pfi, “U bva Indiana.”

Huno—huno nda ri, “Oo? Ee, muñe wanga.”

⁵⁶ Huno Mukomana Wood a thoma u ri, “Zwo luga, ndi . . .” (“Ni songo zwi amba hezwo.”) Huno ngauralo a ri . . .

Nda ri, “Mini-ha nga hae?”

⁵⁷ A ri, “Zwo ralo,” a ri, “mukegulu . . .” (muñwe muthu) “n̄gei n̄tha muvhunduni . . .” Ha pfi, “Ni a divha, o vha a tshi khou fa nga pfuko.” Huno ha pfi, “N̄ne na mufumakadzi ro vha ri tshi ya henengei nga matsheloni u—u adzulula mmbete wawe.” Ha pfi, “Who kundelwa u mu takulela n̄tha lwo edanaho u mu dzudza kha khali,” ha pfi, “ro do tea u kokodza sila la lupila.” Huno ha pfi, “O vha a tshi khou fa. O vha o ya Louisville, huno a ri madokotela o mu litsha huno a ri u ‘khou yo fa.’”

⁵⁸ “Huno khaladzi awe a gonya a ya kha uyo mutangano, huno a ri, ‘Ula mureri o vha o ima n̄gei n̄tha kha pulatifomo, a sedza murahu kha vhathetshelesi huno a vhidza uyu musadzi nga dzina, nahone a mu vhudza, ‘Musi a tshi tuwa, o dzhia sagaduku huno a tshi vhea tshikwamani tshawe—tshawe.’” Huno a vhidza dzina la uyu musadzi hafha fhasi, maela dza fumbili fhasi hafha, huno a amba uri o vha a tshi vhaiswa hani nga pfuko, uri dzina lawe lo vha li lifhio, na zwe the zwe a fhira khazwo; ha pfi, “Dzhiani sagaduku itsho huno ni ye ni tshi vhee kha musadzi,” huno a amba zwauri “musadzi u do fhola pfuko yawe.”””

⁵⁹ Huno ha pfi, “Who tsela ngeno fhasi uvho vhusiku.” Ha pfi, “Nga u fhulufhedzea, ndo pfa u zhamba hu shavhisesaho n̄gei n̄tha. Ndo elekanya uri who vhofholola Salvation Army n̄tha hangei muvhunduni. Ha pfi, ‘Ndi zwone,’ nda ri, ‘ndi a humbulela uri khaladzi wa kale o fa.’ Ha pfi, ‘Ri do . . . Matshelo ri do tuwa ra dzhia goloi, na uri ri do mu bvisa hani uri a ye ndilani khulwane,’ huno ha pfi, ‘uri vha kone u mu isa ha muvhulungi.’ Huno a amba zwauri . . . Ra lindela. Hu si na thodea ya u gonya nga itsho tshifhinga tsha vhusiku.” Ha pfi, “Hu todou vha maela n̄tha muvhunduni hafha.” Ha pfi, “Ro gonya henengei nga matsheloni a tevhelaho, huno ni a ñivha zwe zwa bvelela?”

Nda ri, “Hai, muñe wanga.”

⁶⁰ A ri, “O vha o dzula heneffo a tshi khou la phai dzo kadzingiwaho dza maapula, nahone a tshi khou nwa gofhi, na munna wawe.”

Nda ri, “Ni amba izwo?”

A ri, “Ee, muñe wanga.”

“Oo!” Nda ralo. “Zwino, murena, zwa vhukuma a ni ambi hezwo.”

⁶¹ A ri, “Zwine zwa nndina ndi zwine...uyo munna o ita hani, nahone zwi sa athu dzhena shangoni lino na kathihi, huno izwo a zwi divha.” Ni a vhona?

Huno nda ri, “Oo, izwo a ni zwi tendi.”

A ri, “Ndi ngoho.”

Nda ri, “Izwo ni a zwi tenda?” Ni a vhona?

⁶² A—a ri, “Zwo luga, gonyani ngei muvhunduni, ndi nga ni sumbedza zwone.” U dovha a ntherela zwino, ni a vhona.

⁶³ Ngauralo nda—nda ri, “Um—um.” Nda dzhia apula, huno—huno nda ri, “Naa ndi nga dzhia liñwe la aya maapula?” Huno nda li phumula nga zwiambaro zwanga.

⁶⁴ A ri, “Zwo luga, badzhi dza tshirulwane dzi khou a la, ndi a tenda uri ni nga dzhia lithihi.” Huno zwenezwo...Huno zwino nda ri, “Zwo luga,...” Ndi—ndi a kezha...nda kezha ngomu halo, huno nda ri, “Ilo ndi apula lavhuđi.”

⁶⁵ A ri, “Oo, ee.” Ha pfi, “Ni a divha ndi mini? Ndo ḥavha uyo muri heneffho, oo, miñwaha ya fuiña yo fhiraho, kana tshiñwe tshithu tsho raloho.”

Nda ri, “Oo, naa izwo ndi zwone?”

“Ee, muñe wanga.”

⁶⁶ Huno nda ri, “Ndi zwone, huno ñwaha muñwe na muñwe...” Nda ri, “Ndi a dzhiela nzhele uri a ri athu vha na murotho lini, hu kha di vha mathomoni a Thangule.” Huno nda ri, “Ayo mañari a khou wa kha miri.”

⁶⁷ “Ee, muñe wanga. Izwo ndi zwone, u da lutavula. Ndi tenda uri ri do vha na u ḥavhanyedzaho tshifhingani tshino.”

⁶⁸ Nda ri, “Ee, muñe wanga.” Nda shandukisa thoho, ni a vhona. Huno a ri...nda ri, “Zwo ralo, ni a divha, zwi a kanukisa,” nda ri, “uri ilo sama li bva hani kha uyo muri.” Nda ri, “Huno ayo mañari a a wa, huno naaho zwo ralo a hu na...a—a yo ngo vha na murotho wa u vhulaha tarī.”

⁶⁹ Huno a ri, “Zwo ralo,” a ri, “naa izwo zwi yelanafhi na zwine ra khou amba nga hazwo?”

⁷⁰ Huno nda ri, “Zwo luga, ndi—ndi khou tou mangala.” (Ni a divha, tshifhinga tshothé mma vho ri, “Neani kholomo ya tsadzi thambo yo edanaho huno i do dinembeledza, ni a divha.” Ngauralo ndi tou mu ñea thambo yo linganaho.)

⁷¹ Ngauralo a bva, huno a ri, “Ndi zwone, ee, naa izwo zwi yelanafhi nazwo?”

⁷² Nda ri, “Ni a divha, Mudzimu u alusa maapula, huno ni a ñiphina nga ayo maapula na mañari, huno na dzula

mu—murunzini na zwiñwe-vho. U tsela fhasi kha luṭavula lwa ñwaha huno,” nda ri, “u dovha wa vhuya na maapula na maṭari hafhu.”

⁷³ Huno a ri, “Oo, uyo u tou vha mupo. Ni a vhona, uyo u tou vha mupo.”

⁷⁴ Nda ri, “Ndi zwone, a hu na zwiñwe, uyo ndi mupo.” Nda ri, “Uyo ndi mupo, fhedzi Muiwe muthu u tea u langa mupo.” Ni a vhona, nda... a ri... “Inwi mmbudzeni zwino uri izwo zwi itiswa ngani?”

⁷⁵ Huno a ri, “Zwo ralo, hu tou—tou vha mupo nga lwa mupo.”

⁷⁶ Nda ri, “Ndi nnyi uyo a no amba na iļo ṭari lītuku zwino, na lone...?” Nda ri, “Zwino, tshi no itisa uri iļo ṭari lī we, ndi ngauri sama lī tsela fhasi mudzini. Huno mini-ha arali iļo sama lo dzula n̄tha ngomu ha muri tshifhingani tsha vhuriha? Naa ho vha hu tshi do bvelelani?”

⁷⁷ Ha pfi, “Zwo vha zwi tshi do vhulaha muri.”

⁷⁸ “Ndi zwone,” nda ri, “zwino, ndi vhūṭali-de vhune ha tsitsela iļo sama fhasi midzini, ha ri, ‘Ibva hafha zwino, hu khou da luṭavula lwa ñwaha, dzhena fhasi midzini huno u dzumbame?’ Huno dzula fhasi midzini vhunga tshalo; huno zwenezwo tshimedzi tshi tevhelaho u dovhe u simuwe, u q̄isa maapula o engedzeaho, nahone wa q̄isa maṭari o engedzeaho na zwithu.”

⁷⁹ A ri, “Uyo u tou vha mupo, u do zwi ita.” Ha pfi, “Mutsho! U shanduka, ni a ñivha, hu no khou da luṭavula.”

⁸⁰ Nda ri, “Vheani bakete la madi kha pala ngei nn̄da, huno ni vhone arali mupo u tshi a gidimisela fhasi dasi ha pala huno wa dovha wa a q̄isa n̄tha. Ni a vhona?” Ni a vhona?

“Ndi zwone,” a ri, “ni nga di vha na tshiñwe tshithu.”

Nda ri, “Elekanyani nga hazwo musi ri tshi ya u zwima.”

Huno a ri, “Zwo luga,” nahone a ri, “zwimani hune na ṭoda.”

⁸¹ Huno nda ri, “Musi ndi tshi vhuya, arali ni tshi do mmbudza uri ndi vhūṭali-de vhu no gidimisela iļo sama nn̄da ha uyo muri la tsela midzini, u dzula vhuriha hoṭhe huno la da vhuriha vhu tevhelaho, ndi do ni vhudza zwauri uvho ndi Vhūṭali honoho vhuthihi he ha mmbudza nga ha ula musadzi hangei n̄tha.”

Ha pfi, “Ho ni vhudza?”

Nda ri, “Ee, muñe wanga.”

A ri, “A ni uña mureri!”

Nda ri, “No vha ni tshi nga ñivha dzina lawe?”

Ha pfi, “Ee.”

Nda ri, “Branham?”

A ri, "Uyo ndi ene."

Nda ri, "Izwo—izwo ndi zwone." Ni a vhona?

⁸² Huno ni a ɖivha uri mini? Ndo kumedzela uyo mukalaha kha Kristo, henehafhaļa nga n̄thani ha vhuṭanzi hawe.

⁸³ Huno nga murahu ha ńwaha ndo vha ndi henengei nda džhenisa modoro (u na laisentsi ya Indiana khawo) dzharaṭani. Vho no pfuluwa, ene o no fa. Huno ngauralo musi ndi tshi vhuya, henefho ha vha ho ima mufumakadzi wawe uri zwa vhukuma a nkhambekanye; ndo elekanya uri ndi na thendelo ya u zwima. Huno a bvela henefho nn̄da, a ri, "Naa a ni koni u vhala?"

⁸⁴ Nda ri, "Ee, mufumakadzi." A ri, "Naa no vhona izwo zwiga zwi tshi ri 'A Hu Na U Zwima!'"

⁸⁵ Nda ri, "Ee, mufumakadzi, fhedzi," nda ri, "Ndi—ndi na thendelo."

⁸⁶ "A ni na thendelo!" a ralo. Huno ha pfi, "Riñe afha fhethu—fhethu ro hu vala lwa mińwaha minzhi."

⁸⁷ Nda ri, "Zwo ralo, khaladzi, ndo—ndo vha ndo khakha-ha, mpfareleni."

⁸⁸ Huno ha pfi, "A hu na pfarelo ya tshithu! Yone laisentsi ya Indiana i henefho, huno yo dzula afha n̄tha, ni vhatu vha re na tshivhindi nga maändesa!"

Nda ri, "Naa ndi nga tou zwi ḥalutshedza?" Nda ri . . .

Ene, "Naa ndi nnyi o ni ɳeaho thendelo?"

⁸⁹ Nda ri, "A thi tou ɖivha . . ." Nda ri, "Ho vha hu munna wa mualuwa we a vha o dzula henefho nn̄da vurannđani, musi ndo vha ndi fhano ńwaha wo fhiraho, huno ro vha ri tshi khou amba nga ha Mudzimu." Ni a vhona?

Huno a sedza, a ri, "Naa inwi ni Khaladzi Branham?"

Huno nda ri, "Ee, mufumakadzi."

⁹⁰ A ri, "Nkhangweleni. A tho ngo ɖivha we na vha ni ene." A ri, "Ndi ḥodou ni vhudza vhuṭanzi hawe. Awara dza u fhedza dza u fa hawe, o imisa zwanda zwawe a renda Mudzimu." Ha pfi, "O fa e na lutendo lwa Ḧshikriste, huno a hwalwa a iswa ha Mudzimu." Ni a vhona?

⁹¹ "Arali vha fhumula, matombo a ḥo ḥavhanya u vhidzelela." Hu na tshińwe tshithu kha mupo.

⁹² Sedzani zwiṇoni, sedzani dziphukha, sedzani tshińwe na tshińwe, nahone ni sedze mupo.

⁹³ Sedzani kuiyha uri ku fhufha hani. Ndi tshiṇoni tsho fhambanaho, ni a vhona. A—a tshi na tshavhuṭungu, a tshi koni u ḥa sa funguvhu. Ni a vhona? A tshi na tshavhuṭungu ngomu

hatsho. A tshi tei u ḥamba muvhili ngomu—ngomu—ngomu madini, ngauri tshi na tshiñwe tshithu ngomu hatsho; tshi tshi ḥanzwa u bva nga ngomu u ya nn̄da, ni a vhona.

⁹⁴ Iyo ndi ndila ine Mukriste a vha ngayo. Iyo ndi ndila ye Mudzimu a Diimela, e kha—e kha—e kha liivha. Ni a vhona, ngauri...huno yone...Yesu o imelwa nga Ngwana. Tshifhinga tshoṭhe kha mupo ni do wana Mudzimu. Huno Mudzimu o ri fanyisa na nngu dzi no tea u rangwa phanda. Naa no no vhuya na dzhieila nzhele afho, ndo rera theru nga hazwo tshifhingani tshiñwe tsho fhiraho? Uri Liivha li tshi tsela phasi kha Ngwana, u ranga phanda Ngwana, huno La I isa vhuthavheloni. Li—li—Liivha! Zwino, arali iyo Ngwana... Illo Liivha lo kundelwa u tsela kha luñwe lushaka lwa phukha, ngauri dzone vhuvhili hadzo dzo do tea u vha dza kudzulele konokwo kuthihi. Ni a vhona? Arali Liivha lo vha lo kavha kha phele, huno ya do vha yo atsamula kana yo vhomba, Liivha lo vha li tshi do vha lo difhufhela Zwalo.

⁹⁵ Ndi zwone, iyo ndi ndila yeneyo nthihi zwino. Huno ndila dzashu mmbi, Muya Mukhethwa u tou difhufhela Zwawo huno wa ḥuwa. U tea u vha na kudzulele konokwo kuthihi. Tshiñoni tsha Matađulu, liivha; phukha ya vhulenda nga maandā kha lifhasi, ngwana; zwi kona u konana. Huno musi Muya Mukhethwa u tshi da kha riñe huno wa ri ita zwivhumbwa zviswa, zwenezwo Ú nga ri ranga phanda. Fhedzi ri lingedza u tshila vhutshilo honoho ha kale, a zwi nga shumi! Zwi tou vha zwi si nga shumi.

⁹⁶ Zwino, khamusi ligia la u thoma le na vhuya na li dzhia vhutshiloni hañu, hu tshi ambiwa nga ha vhurangaphanda, khamusi ndi zwanda zwa munwe mme wa vhulenda wa kale. Izwo zwanda zwi nga di vha zwi sa tsukunyei madekwana a namusi, ngeno nn̄da mavhidani huñwe fhethu, fhedzi itsho tsho vha tshi tshanda tshe tsha ni fara uri ni dzhie ligia lanu la u thoma.

⁹⁷ Zwenezwo nga murahu ha musi mme vho no ni gudisa u tshimbila, huno na dzhia maga a si gathi na mbo wa, na vuwa, huno na elekanya uri no vha ni tshi khou ita zwithu zwiulwane, zwenezwo vha ni nekedza kha mudededzi wa tshikolo. Huno zwenezwo a thoma u ni ranga phanda kha pfunzo; ndila na tshine na fanela u tshi ita, na ndila ine na fanela u guda, na—na zwinwe-vho nga u ralo.

⁹⁸ Zwenezwo nga murahu ha musi mudededzi wa tshikolo o no fhedza nga inwi, zwenezwo na humela murahu, *khotsi* anu vha ni fara. Zwenezwo musi khotsi anu vho ni fara, thamusi vho ni funza bindu lanu; ndila ya u vha ramabindu a bvelelaho, ndila ya u ita zwithu nga ndila yone. Mme anu vho ni gudisa ndila ya u vha mu—mufaramuña, ndila ya u bika, na zwinwe nga u ralo.

⁹⁹ Zwenezwo nga murahu ha musi vho no fhedza nga inwi, zwenezwo *mushumeli* kana *tshifhe waṇu* a ni fara.

¹⁰⁰ Fhedzi *zwino* ndi nnyi a no ni ranga phanda? Iyo ndi mbudziso zwino. Zwino, roṭhe ri rangwa phanda nga tshiñwe tshithu madekwana a namusi. Ri tea u vha nga u ralo. Ri rangwa phanda. Dzhielani nzhele!

¹⁰¹ Zwino kha ri sedze zwa uyu muthu muswa... zwe zwa mu tuṭuwedza. Kha ri sedze kha... uyu ramabindu muswa ane ri nga mu vhidza nga u ralo, nge a vha e ramabindu. O vha e munna muhulwane a bvelelaho. Kha ri sedze vharangaphanda vhawé.

¹⁰² Khamusi, tsha u thoma, mme awe vho mu gudisa zwithu zwine a tea u zwi ita a tshee mutukanyana. Khotsi awe vho mu ita uri a vhe na mvelelo yo raloho yavhudí, nahone khamusi vha mu siela—vha mu siela ifa, ngauri ene muṇe o vha e muvhusi; khamusi khotsi awe vho vha vho no ṭuwa, ngauralo o vha e ra—ramabindu. O vha e... Kha ri mu vhidze, ḥamusi, vhunga ramabindu wa Mukriste; kana, o vha e ramabindu a rerelaho, ndi elekanya uri u do vha muredzo wa khwinesa.

¹⁰³ Munna uyu o vha a tshi rerela, o vha e si a sa tendi na luthihi. Huno o vha o gudiswa nga mme awe ndila ya u ita zwi re zwone, ndila ya u tshimbila, ndila ya u diambadza. O vha o gudiswa nga khotsi awe, bindu lihulwane, na ndila ya u vha munna a bvelelaho; huno bindu ḥawe lo vha li tshi khou bvelela. Huno khotsi na mme vho aluswa tshivhidzoni, huno vha mu sumba kha tshifhe. Huno tshifhe a mu ita munna a rerelaho vhukuma. Ngauralo o vha e munna wavhudí o funzeaho, o vha e mutukana wavhudí a re na mvumbo yavhudí.

¹⁰⁴ Arali Yesu Kristo o mu sedza nahone a mu funa, ho vha hu na tshiñwe tshithu nga ha mutukana tshe tsha vha tshi tsha vhukuma. Ndi zwone. Ngauri Bivhili yo amba hafha, ri wanulusa kha Marko, “Huno Yesu o mu lavhelesa, a mu funa.” Iina, “Yesu o mu lavhelesa, a mu funa.” Ngauralo-ha hu fanela u vha hu na tshiñwe tshithu tshi vhonalaho vhukuma kha uyu muthu muswa. O vha e... e na mvumbo yavhudí, na mvumbo yavhudí tshikaloni. O vha e munna o aluswaho zwavhudí; o ḥalifa, o thanya, wa ndivho, a tshi bvelela kha bindu, nahone e munna a rerelaho. O vha e na zwitaluli zwavhudí zwinzhi zwe zwa vha zwi tshi vhonalala, zwo anda lwe zwa kunga tshenzhemu ya Yesu Kristo Mutshidzi. Fhedzi musi ho livhanwa nae, e wa u bvelela kha izwi zwiñwe zwithu zweothe... .

¹⁰⁵ A hu na tshe tsha tshimbila nga ndila yo khakheaho; o vha o vhadiwa nga ndila yone yo fhelelaho, o elwa nga ndila yone, o ḥalifa, pfunzo yone-yone, mvelelo yawe, o vha o thanya, ramabindu wavhudí, khamusi e wa tshigwada tsha ramabindu huñwe fhethu henengei Palestina. A nga di vha o vha e wa vhuṭama ha ramabindu vhunga vhune ra vha naho

fhano madekwana a ḥamusi, a hu na u timatima o ita, ngauri tshifhinga tshothe vhoramabindu vho vha na vhuṭama nga tshavho, muṇwe e na muṇwe.

¹⁰⁶ Ngauri zwi tou nga “zwiṇoni zwa muthenga u fanaho,” zwi na zwithu zwine zwa amba nga hazwo. Huno arali uyu... Vhanna vha rerelaho, a vha ṭodi u amba nga ha munna a no bindula nga bara na nga... zwothe zwe ṭangana, ngauri a vha na tshithu tshine vha nga ṭanganela tshone. Ri tea u vha na zwithu zwine ra ṭanganela zwone. Ngauralo Vhakriste vha na zwithu zwine vha ṭanganela zwone na—na vhaitazwivhi; na—na madzungano, na zwiṇwe na zwiṇwe zwine zwa vha zwone, vha na zwithu zwine vha ṭanganela zwone. Huno uyo mutukana muswa khamusi o vha e wa vhu—vhuṭama ha ramabindu.

¹⁰⁷ Huno o vha e a rerelaho nga he a kona, ngauri Yesu, kha mbudziso khae hafha, o ri, “Ndo vhulunga idzi ndaela, ndo dzi tevhedza dzothe u bva vhuswani hanga.” Izwo ndi zwone.

¹⁰⁸ Ni a vhona, o aluswa zwavhudi, o gudiswa zwavhudi, na tshiṇwe na tshiṇwe. Fhedzi musi o livhana na mu—muhumbulo wa Vhutshilo Vhu Sa Fheli... Zwino ndi ṭoda ni tshi dzhieila nzhele, na iyi mvumbo yothe ye a vha e nayo, o di ḫivha zwauri ha na Vhutshilo Vhu Sa Fheli.

¹⁰⁹ Zwino, madzungano ashu othe, tshivhidzo tshashu, vhurado hashu na zwithu zwine ra zwi funa nga maanda, madzungano ashu a Amerika, na tshiṇwe na tshiṇwe, ndi zwavhudi nga maanda, a hu na tshine tshi nga ambiwa tsha u lwa na hezwo. Huno dzangano ḫashu ja Vhanna Vha Bindu Vha Vhakriste fhano, ndi tshithu tshihulwane, lo vha muṇango wo vuleaho kha nne u... kha mihibulo yanga i sa sathuli dinomineisheni ine ya ri “riṇe ri Vhakriste.”

¹¹⁰ A hu na na nthihi (a hu na na dinomineisheni na nthihi) ine i nga ri vhila, Mukriste wa vhukuma, ngauri ni wa Mudzimu. Dinomineisheni dzo itwa nga vhathu, huno Vhukriste vhu bva Tadulu. Fhedzi kha izwi zwithu zwothe zwine ra vha nazwo, zwi zwavhudi sa zwine zwa vha zwone, ri tshi kuvhangana zwavhudi, nahone ri na miṭangano yavhudi sa ine ra vha nayo, na pfeſeo ya matshilisano ine ra vha nayo, naho zwe ralo muṇwe na muṇwe washu o livhana na Vhutshilo Vhu Sa Fheli. Huno a hu londwi uri ro bvelela hani binduni, ro bvelela hani, na uri ri muradode muhulwane wa tshivhidzo, na uri ri shuma hani, ri lingedza hani u ita zwithu nga ndila yone, na zwino, arali zwi sa itwi nga ndila yone, ndi vhurereli ha Mudzimu ha fhedzi.

¹¹¹ Yesu o khethekanya hezwo nga ndila yeneyo nthihi, ndi tshi ima hafha lwa tshifhinganyana. O ri, “Ni rerela Nne lwa fhedzi, vha tshi funza pfunzo ndi milayo ya muthu.” Zwino elekanyani! Vhurereli vhu fulufhedzeaho, vhu fhulufhedzeaho (ni na vhufulufhedzei ha mbilu yanu) kha Mudzimu, huno

ha di vha ha fhedzi! Zwo thoma nga ndila yeneyo kha Kaini, Ngadeni ya Edeni. Vhurereli vhu fulufhedzeaho, fhedzi a landulwa! E a rerelaho nga maanda, a di landulwa!

¹¹² Ngei Shreveport vhege yo fhiraho, vhege yo tevhelaho yo fhiraho, kha muṭangano wa Vhanna Vha Bindu, henefho vhuragane he mađana o vhalaho a vhatu a vha o kuvhangana, ndo dzhia awara mbili na hafu u amba nga ha: *U Shumela Mudzimu Hu Si Lufuno Lwa Mudzimu*. Zwino, izwo zwi pfala zwi tshi kanukisa, fhedzi ri tea u qidzhenisa ngomu ndilani yo nekedzwaho ya Mudzimu na ndila ya Mudzimu ya u zwi ita. A hu londwi uri ri elekanya u gumafhi uri ndi zwone, zwi tea u vha u ya nga ha Ipfi la Murena kana ndi zwa fhedzi. Kaini o rerela, fhedzi ho vha hu si u ya nga ha Ipfi la Murena. Vhafarisei vho rerela, fhedzi hu si u ya nga ha Ipfi la Murena. Huno kha mulaedza wonoyu kha Vhanna Vha Bindu, izwi ndo zwi funza.

¹¹³ Dafita, o ḥoda u shumela Murena, huno o vha e kha ngoho kha zwe a amba. O ri, “Naa ndi zwone uri mbulungelo ya Murena i vhe ngei phasi? Kha ri i dise ngeno.” Mađuvhani a khosi, inwe khosi ye a i tevhela. O ri, “A si zwone. Na kathihi a vho ngo amba na Murena nga mbulungelo, fhedzi riŋe ri fanela u zwi ita.” Zwino, izwo two lulama, zwe vha vha vho tea u zwi ita. O ri, “Ri tea u yo dzhia mbulungelo, huno ri nga amba na Murena.” Huno izwo ndi zwone, yo vha i ngei shangoni liiwe. Ha pfi, “Ri tea u i disa ngeno. Ra i gonyisa hafha huno ra i vhea nduni yashu fhano, huno ra rerela Murena.”

¹¹⁴ Zwino dzhielani nzhele uri o dzhena ndilani yo khakheaho ya u zwi ita. O amba na vhokapuṭeni vha mahumi mađanu na vha madana na zwigidi. Vhoṭhe vho ambiwa navho, muňwe na muňwe. Zwi tshi vhonala zwi lufuno lwa Murena, zwi tshi nga, kana lo vha li i—Ipfi la Murena.

¹¹⁵ Ipfi la Murena, nga tshinwe tshifhinga, ni tea u Li vhea fhethu hone-hone Haļo kana a si Lufuno lwa Murena. Ni a vhona? Zwino litshani izwo zwi nwelele huno ni do wana mu—muhumbulo u angaredzaho zwine nda khou lingeda u amba.

¹¹⁶ A thi ḥodi tshivhidzo tshi tshi wela magani e na a wana ngei England: mavhudzi malapfu, na vhanna vho penndwaho zwifhatuwo, huno vho shandea. Izwo riŋe a ri zwi ḥodi! A hu londwi uri zwi pfala zwi zwa vhurereli hani, na uri Elvis Presley u kona u imba nyimbo dza vhurereli u gumafhi, u kha di vha diabolo. Huno nne a thi muhatuli, fhedzi “Ni vha divha nga mitshelo yavho.” Ni a vhona? Ndī Mupentekostala, fhedzi izwo a zwi iti phambano na thukhuthukhu. Ni a vhona, mitshelo yaŋu i ḥanziela zwine na vha zwone.

¹¹⁷ A hu londwi arali Muya u tshi da khae, a nga kona u amba nga dzindimi, a nga kona u ḥavha mukosi, a nga kona u fhodza vhalwadze, huno Yesu o ri, “Vhanzhi vhavho vha do da kha Nne nga ilo ḥuvha, huno vha ri, ‘Murena, naa a tho ngo ita

hetshi na hetsho?" Huno Ndi do ri, 'Tuwani kha N̄ne, vhoinwi ni itaho vhutshinyi, na kathihi A tho ngo vhuya nda ni ḋivha.'"

Ni a vhona?

¹¹⁸ Ri tea u vha Vhakriste vha vhukuma, vha vhukumakuma, huno ndila i yothe ine ri nga kona u ita hezwo ndi u livhana nazwo nga iyi mbudziso hafha ya "Vhutshilo Vhu Sa Fheli."

¹¹⁹ Hu na tshivhumbeo tshithihi fhedzi tsha Vhutshilo Vhu Sa Fheli, huno uvho vhu bva ha Mudzimu. Huno O ta tshivhumbwa tshiñwe na tshiñwe tshine tsha do vhuya tsha vha Naho. U tou fana na musi no vha ni dzhini kha khotsi anu, no vha ni dzhini kha Mudzimu; tshiñwe tsha zwiṭaluli Zwawe tsha u tou thoma, kana na kathihi a ni nga vhi hone Hangei. Ni da mavuni a mme anu; khotsi anu a vho ngo ni ḋivha, no vha ni khunduni dzavho. Huno ni tshi da mavuni a mme, zwenezwo ni vha muthu nahone no itwa nga tshifanyiso tsha khotsi anu, zwino ni nga vha na vhutama navho. Huno ndi zwenezwo zwithihi kha Mudzimu, arali ni na Vhutshilo Vhu Sa Fheli.

¹²⁰ Vhutshilo vhune na dzhena khaho, vhutshilo ha mupo, vhutshilo ha muvhili, uvho ho da nga khotsi anu. Huno ndila i yothe ine ni nga bebwā hafhu, ndi yone ndila i yothe, i tea u bva ha Khotsi anu wa Tađulu, zwiṭaluli Zwawe. "Vhothe vhe Khotsi a N̄nea vhone vha do da kha N̄ne." Ni a vhona?

¹²¹ Inwi ni fhano ngauri dzina lañu lo vhewa kha Bugu ya Vhutshilo ya Ngwana hu sa athu vhuya ha vha na mutheo wa shango. Izwo ndi zwone kokotolo. Ni dzhini, dzhini ya maya i bvaho kha Khotsi anu wa Tađulu, tshipida tsha Ipfi ja Mudzimu. Izwo zwo ralo, sa zwe nda amba, zwenezwo no vha ni na Yesu musi O vha e fhano ngauri O vha e Ipfi: no tambula Nae, no fa Nae, no swiṭwa Nae, huno na vuwa Nae, huno zwino no dzula fhethu ha Tađulu *kha Ene!*

¹²² Dzhielani nzhele, Dafita o elekanya uri tshiñwe na tshiñwe tsho dzula zwavhuđi, huno a amba na avha vhathu vhothe, huno muñwe na müñwe wavho a thoma u tshina na u ṭavha mukosi na u zhamba. Vho vha vhe na makumedzwa othe a vhurereli havho e a vha e hone, fhedzi ho vha hu tshi kha di vha hu si lufuno lwa Mudzimu u tsela phasi na u vhuisa Ipfi ja Mudzimu murahu kha nnđi ya Mudzimu. Fhedzi, ni a vhona, Mudzimu tshifhinga tshothe (kha zwikhathi zwethe) u shuma nga ndila nthihi. Phetho Yawe ya u thoma ndi yone phetho Yawe i yothe, ngauri ndi O fhelelaho kha phetho Dzawe. Na kathihi Ha iti tshithu nnđani ha u thoma A tshi dzumbululela vhalanda Vhawe, vhaporofita. Izwo ndi zwone kokotolo.

¹²³ Ndi ngazwo itshi, tshikhathi tsha tshivhidzo tshine ra tshila khatsho. A hu na tshivhidzo, a hu na Mumethodisi, Mubaphuthisi, Vhapentekostala, kana tshiñwe-vho, tshi nga vhuya tsha dzenisa itshi Tshivhidzo kha Muselwa. Hu do tea u vha u fhindula ha Maleaxi 4, uri Mudzimu a rumele

muporofita a no do dzumbululelwa, ngauri iyo ndi yone ndila i yothe. Zwivhidzo zwashu zwi nea dzina huno zwa posela itsho tshithu kha u vilingana na kha vilili, u tou fana na zwe vha vha vhe zwone tshifhinga tshothe, huno tshifhinga tshothe Mudzimu u rumela vhaporofita.

¹²⁴ Huno Nathani ngoulaa o ima shangoni, muporofita o khwathisedzwaho phanda ha Mudzimu, huno ho ngo vhuya ha ambwa nae.

¹²⁵ Huno vha tsela henengei huno vha dzhia vhutshilo ha munna a fhulufhedzeaho, na zwiñwe-vho, nahone vha dzhia mbulungelo. Vhudzuloni ha u i vhea kha mahaña a Vhalivi, u i hwala, vha i vhea kha gariki u i hwala. Ho vilingana tshothe!

¹²⁶ Ni a vhona, arali ni sa yi u ya nga ha lu-lufuno lwa Mudzimu, na ndila ye Mudzimu a ri nea uri ri tshimbile ngayo, tshifhinga tshothe vha a I tambelela huno vha I bvisa kha linwe dzangano, dinomineisheni, muñwe mulaedza, izwi ndi zwe na toða. Ni a vhona? Tshifhinga tshothe zwo itwa nga heyo ndila.

¹²⁷ Izwo ndi zwenezwo zwithihi na zwe uyu mutukana a livhana nazwo. U a dzhena; o vha e mu—mu—murado khamusi wa Vhafarisei kana Vhasadukei, kana inwe nzudzanyo khulwane ya ilo duvha. O vha e a rerelaho nga he a kona. O ri, “Ndo tevhedza milayo iyi ye nda funzwa, u bva ndi tshee muswa.” Ni a vhona? Huno Yesu o mu funela zwenezwo. Fhedzi o hana u endedzwa, o hana u tanganedza vhurangaphanda ha Yesu Kristo uri a mu nee Vhutshilo Vhu Sa Fheli.

¹²⁸ Dzhielani nzhele, o tenda uri hu na tshiñwe tsho fhambanaho na tshe a vha e natsho, kana na kathihi o vha a tshi do vha a songo ri, “Muñe wavhuði, naa ndi fanela utani zwino?”

¹²⁹ Ni a vhona, o toða u ita tshiñwe tshithu nga ene muñe. Iyo ndi ndila ine ra ita, ri toðou ita tshiñwe tshithu nga riñe vhane. Tshifhiwa tsha Mudzimu ndi tshifhiwa tsha fhedzi. Mudzimu u ni nea Tshone, a ni iti na tshithu na tshithihi ni tshi itela Tshone. O ni tela Tshone, huno ni khou yo vha Natsho. Ni a vhona?

¹³⁰ Dzhielani nzhele, o ñivha uri Tshi hone henefho. O tenda Khatsho nahone a Tshi toða. Fhedzi musi o livhana na uri u tea u zwi ita hani, zwo vha zwo fhambana na nyitelatherelo yawe. Tsho vha tshi tsho fhambanaho. O vha a tshi kona u fara tshelede yawe huno a vha wa tshividzo tshe a vha e khatsho, na zwiñwe-vho. Fhedzi izwo Yesu o zwi ñivha, huno a ñivha zwauri o no vhulunga iyi tshelede, huno A ri, “Iya u rengise zwothe zwine wa vha nazwo, huno u zwi nee vhashai. Huno u de, u dzhie tshifhambano tshau huno u Ntevhelo, huno u do vha na lupfumo Taðulu.” Fhedzi o kundelwa u zwi ita.

¹³¹ Vhañwe vharangaphanda vhe a vha navho maðuvhani a vhuswa hawé, vho vha na ñuthuwedzo nngafha khae u swika a tshi hana u tanganedza Ndila yo nekedzwaho ya Mudzimu, ye ya vha i Yesu Kristo; Ene fhedzi o faraho Vhutshilo Vhu Sa

Fheli, Ene fhedzi a ne a nga ni nea Hone. Hu si ni tshivhidzo tshi nga ni nea Vhutshilo Vhu Sa Fheli; hu si ni muhura waṇu; hu si ni mufunzi waṇu; hu si ni tshifhe waṇu; hu si ni ndaela yanu; ndi Yesu Kristo Ene muṇe fhedzi a ne a nga ni nea Vhutshilo Vhu Sa Fheli. Ndi ene...

¹³² A hu londwi uri no luga hani, zwine na litsha u ita, zwine na thoma u ita, ni tea u t̄anganedza *Muthu* wa Murena Yesu Kristo. Huno zwenezwo musi ni tshi ita hezwo, Ene ndi Ipfi, huno zwenezwo vhutshilo hanu vhu fanelana na Ipfi nahone Vhu a Divhonadza kha tshino tshikhathi tshire na tshila khatsho.

¹³³ Noaxe o do tea u ita hezwo uri Ipfi li vhonadzwe nga tshikhathi tshawe. Zwino, mini-ha arali Mushe a tshi bvelela, ha pfi, "Ri a d̄ivha zwe Noaxe a ita, ri do dzhia ipfi la Noaxe. Ri do zwi ita nga ndila ye Noaxe a zwi ita. Ri do fhaṭa gu—gungwa huno ra papamala ri tshi tsa na Mulambo wa Nili, huno ra bva kha la Egipita?" Mulandu, zwo vha zwi tshi do vha zwi songo shuma. Ni a vhona, itsho tsho vha tshi tshiñwe tshikhathi.

¹³⁴ Yesu o vha a si nga koni u da na mulaedza wa Mushe; Luther o kundelwa u da na mulaedza wa Katolika; Wesley o kundelwa u da na mulaedza wa Luther; Pentekoste yo kundelwa u da na mulaedza wa tshikhathi tsha Wesley. Huno Muselwa a nga si vhumbee kha dinomineisheni ya Pentekoste, i nga si tou kona u zwi ita. Huno izwo ndi zwone kokotolo. Yo no d̄idzudzanya huno ya bva hafha, huno ngeyo yo dzula henefho, u tou fana na dzinwe dzothe. Ndi ganda. U tou fana na vhutshilo vhu tshi da nga... Ni a vhona?

¹³⁵ Uyo muñwali, sa izwi ndo amba vhuñwe vhusiku, uyo muñwali we a ñwala iyi bugu... Huno hu si ni nge a ntsatsaladza luvhi nga maanda, a ri ndo vha ndi "diabolo, arali ho vha hu na tshitihu tsho raloho." Ngauralo a ri ho ngo tenda kha Mudzimu. A ri, "Mudzimu we a peta zwanda Zwawe huno a dzula nahone a sedza avho vhafelalutendo, kha zwikhathi zwa u ranga, huno a diamba uri u na maanda a u vula Lwanzhe Lutswuku, huno a litsha avho vhasadzi na vhana vha tshi kherukanywa vha bva zwipida nga dzindau na zwinwe-who, huno zwenezwo a ri U Mudzimu wa lufuno." Ha pfi, "A hu na tshivhumbwa tsho raloho." Ni a vhona, muthu, a si na u hevhedzwa ha Ipfi, u kundelwa u Li vhona.

¹³⁶ Thoro ya u thoma ya goroi, Muhwe, yo do tea u wela mavuni uri i vuwe hafhu. Ngauralo na Muselwa wa u thoma we a bebwa Pentekoste o do tea u fhira kha izwo Zwikhathi Zwa Swiswi vhunga iñwe mbeu-who, a swiṭwa. Vho do tea u fa. Vha fanela u zwi ita. Fhedzi yo thoma u simuwa hafhu kha Luther, kha tshandululo ya u thoma. A yo ngo vhonala i tshi nga mbeu ye ya dzhena ngomu, fhedzi yo vha i Tshedza tsha ilo duvha. Lwone...?... luṭanga lwo mbo bvela phanda lwa dzhena kha malelevudzi, Wesley. Huno u bva kha malelevudzi ya dzhena kha Pentekoste, ganda.

¹³⁷ Musi ni tshi vhona ngomu ha goroi, musi i tshi bvelela, thoro ya goroi, muthu we na lima goroi, ni a bva huno na vhona iyo goroi i tshi vhumbaea ngomu heneffo, i vhonala kokotolo vhunga thoro. Fhedzi arali na dzhia lumano na dzula fhasi na dzhia iyo goroi na i vula, a hu na thoro heneffo na luthihi. Ndi ganda fhedzi. Huno zwenezwo mini-ha? Yo—yo vhumbaea heneffo, u fara thoro. Ni a vhona? Huno zwenezwo, tshithu tsha u thoma ni a divha, vhutshilo ho sia lu—lu—luṭanga uri vhu dzhene kha malelevudzi; ha sia malelevudzi ha dzhena kha ganda; vhu sia ganda huno ha dzhena kha goroi. Zwiimo zwiraru, ni a vhona, zwaho. Huno zwenezwo vhu vhumba Goroi *nga nnda* ha zwiimo zwiraru (Luther, Wesley, Pentekoste). Zwone kokotolo. Ni a vhona, a hu na na u timatima. Ni nga si thithise mupo.

¹³⁸ Zwino sedzani, miñwaha miraru miñwe na miñwe nga murahu ha musi mulaedza wo bva u tshi bva ha Mudzimu, vha a dzudzanya. Uyu wo no vha na miñwaha ya fumbili, huno a hu na dzangano. Li nga si vhe hone. Ni a vhona? Zwino ganda li tea u ḫutshela kule, la nea Goroi tshikhala tsha u edela phanda ha Murwa, u vhibva; Mulaedza u tshi vhuyelela murahu Tshivhidzoni hafhu, u tshi vhumba Muvhili wa Yesu Kristo u tou fana na Uyo wa u thoma wa vhubvo we wa dzhena mavuni. Zwino, u vhona vhu—Vhutshilo Vhu Sa Fheli.

¹³⁹ Vhutshilo, ngoho lu—luṭanga murahu hafha lwo hwala Vhutshilo. Zwa vhukuma, ho ita. Fhedzi, ni a vhona, musi i tshi vha luṭanga huno ya fhela, dzangano, Vhutshilo ha ya ha dzhena kha Wesley; ha bvela nnda, ha dzhena. Huno luthihi, inwe na inwe yadzo. Nthihi, mbemba khulu, a i vhonali i tshi nga thoro. Fhedzi musi muvula muṭuku u tshi ḫa, vhunga... kha ga—ganda... kana kha luṭanga, muvula wa malelevudzi, u vhonala nga maandesa u tshi nga thoro. Fhedzi musi u tshi tsela fhasi kha ilo ganda, i vha i tshi ḫodou vha heneffo.

¹⁴⁰ Naa Yesu ho ngo ri, “Mađuvhani a u fhedzisela” (Mateo 24:24) “mivhili i do vha tsini na tsini lune ya do fhura dzhini dzenedzo, dzo tiwaho, Avho Vhanangiwa, arali zwo vha zwi tshi konadzea”? U ḫodou nga tshithu tsha vhukuma, ni a vhona. Ngauralo, mađuvhani a u fhedzisela. Zwino, ni a vhona, ndi tshifhinga tsha goroi zwino. Tshifhinga tsha khanō tshi a sendela. Hetshi a si tshikhathi tsha Luther, hetshi a si tshifhinga tsha Pentekoste, hetshi ndi tshikhathi tsha Muselwa.

¹⁴¹ Vhunga Mushe o vhidza lushaka uri lu bve kha lushaka, Kristo namusi u khou vhidza Tshivhidzo uri tshi bve kha tshivhidzo, ni a vhona; tshifanyiso tsha zwenezwo zwithihi, a tshi vha isa kha Shango lo Fulufhedziswaho la U Ya Nga Hu Sa Fheli la vhugala.

¹⁴² Zwino, u hana uyo Muthu a no khou vhidza, Kristo, a hu londwi uri ni Mupentekostała, Mumethodisi, Luther, tshiñwe na tshiñwe tshine na vha tshone, ni tea u... Hetshi tshikhathi!

A hu na tshithu tsha u lwa navho, na luthihi, fhedzi kha tshino tshikhathi *zwino* ni tea u ḥanganedza (vhunga zwe vha ita nga tshiila tshikhathi) Muthu wa Kristo ane a vha Ipfi!

U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu.

Huno Ipfi a itwa ḥama, huno a dzula vhukati hashu, . . .

. . . a sa shanduki, . . . ḥamusi, na lini na lini.

Vhaheberu 13:8. Ni a vhona, ni fanela u ḥanganedza uyo Muthu wa Vhutshilo Vhu Sa Fheli!

¹⁴³ Zwino, Vhutshilo he Luther a vha e naho, ho vha hu u itwa o lugaho. Wesley o vha e na vhukhethwa, ho engedzwaho khaho. Pentekoste yo vha i na u vhuyedzedzwa ha zwifhiwa zwi no vhuya murahu khayo, two engedzwaho khaho. Fhedzi zwino zwi khou fhedzisa muvhilini, ni a vhona, ndima tharu dzaho, huno u bva kha hezwo . . . Zwino, musi mvuwo i tshi da, Vhutshilo ho tshilaho kha Vhaluṭere, uvho ho bva, Vhutshilo he ha tshila kha Vhamethodisi huno ha bva, Vhutshilo he ha dzhena ngomu ha Vhapentekostala, vhu do takulelwa n̄tha hoṭhe vhu tshi bva mavuni Muvhilini wa Muselwa uri vhu džheniswe phanda ha Yesu Kristo. Vhugala kha Mudzimu! Oo, zwi a nyanyula! Ndi Ngoho!

¹⁴⁴ Ro khona! Ri khou sedza thungo ya Tađulu, ro sedza u da; Khephe i kha Phiramidi, sa zwe ra vha ri tshi nga zwi amba, u vhuya Hawe! Tshivhidzo tshi fanela u vuswa hu si kale, huno ri fanela u dilugisa.

¹⁴⁵ Huno ndila i yoṭhe ine ni nga kona, a si u ri, “Zwo luga, ndi wa Dzikhuvhangano. Ndi wa Vhuthihi, Vhuvhili,” kana tshinwe na tshinwe tshire tsha vha tshone, avho vhoṭhe heneffo, “Ndi wa tshivhidzo tsha Mudzimu,” izwo a zwi ambi tshithu. “Vhokhotsi ashu vho ḥavha mukosi nahone vha tshina,” izwo zwo luga lwo fhelelaho, ilo lo vha li ḫuvha lavho. Fhedzi na ḥamusi a no ngo livhana na džangano le vha li ita, fhedzi na Vhutshilo vhu no khou bvela phanda, vhune ha vha Yesu Kristo.

¹⁴⁶ Uyu muthu muswa o ita zwenezwo zwithihi. Mushe o ḫwala iyo milayo. Fhedzi, ni a vhona, Mudzimu onoyo muthihi we a ḫwala milayo, nga muporofita Wawe, ho vha hu tshenetsho tshithu tshithihi tshe tsha porofita uri ḫuvha li do da, “Ndi do vusa Muporofita a no nga nne. Huno zwi do khunyelela zwauri vhoṭhe vhane vha sa Mu pfe vha do tumulwa”; murahu kha makanda na malelevudzi a dinomineisheni. Vha fanela u bvela phanda na u ya Vhutshiloni. Huno ḥamusi, ni songo ri, “Ndi Pentekoste. Ndi wa hetshi, ndi wa hetsho.” Izwo a zwi ambi tshithu. Ni tea u ḥanganedza Muthu Kristo, Vhutshilo Vhu Sa Fheli. Ho livhana na muñwe na muñwe washu! Izwo ni songo zwi hangwa.

¹⁴⁷ Vhańwe vharangaphanda, ni a vhona, vho vha vho farelela nga maanda khae. Vhathu vha havho vha funzwa, “Zwo luga, ri vha *hetshi*, huno ri vha *hetsho*,” huno vho vha vho farelela nga maanda khae. Fhedzi ndi tshithu tshi re khombo-de nandi, u landula vhurangaphanda ha Vhutshilo Vhu Sa Fheli!

¹⁴⁸ Zwino, uvho Vhutshilo vhu hone madekwana a ḥamusi. Izwo ndi zwone. Muya Mukhethwa u fhano, une wa vha Kristo nga tshivhumbeo tsha Muya; Muya Wawe, ndodzo i fhano.

... *hu si kale, huno shango a li tsha do mmbona;*
hone *inwi ni do mmbona:*...

... Ngauri Ndi do vha *na inwi*, nahone kha inwi, u swika magumoni, u swika *vhufheloni ha shango*.

¹⁴⁹ Yesu e ethe a nga ni ranga phanda kha uvho Vhutshilo Vhu Sa Fheli. A hu na tshivhidzo, a hu na dinomineisheni, a hu na mureri, a hu na tshifhe, a hu na tshińwe tshithu-vho tshine tshi nga ni ranga phanda Khaho, ni fanela u rangwa phanda Ngae, Ene fhedzi ane a nga ni ranga phanda.

¹⁵⁰ Naa ni nga humbulela Ene a tshi ni ranga phanda nga u ni bvisa kha Ipfi Lawe, zwine ilo la vha Ene? Huno arali A Ipfi, huno inwi ni tshipida Tshawe, naa ni nga si vhe tshipida tsha Ipfi? Ipfi line Mudzimu a ḥoda u shululela madi a tshidzo khalo ḥamus, u Mu divhadza ḥamus; vhunga vhaapostola vho Mu divhadza, vhunga Luther, vhunga Wesley, vhunga kha vhathu kha ayo maduvha vho Mu divhadza. Hetshi ndi tshińwe tshikhathi. Ndi Ipfi! Ipfi lo amba izwi zwithu zwine ra khou zwi vhona zwi tshi itea zwino, zwo bulwa uri zwi do itea kha ino awara. Ngauralo ḥanganedzani Yesu Kristo huno ni Mu tendele u ni ranga phanda kha Vhutshilo Vhu Sa Fheli.

¹⁵¹ Naho o kona, uyu muthu muswa... O kona zwithu zweithe zwavhuđi. Tshikoloni, o vha e wavhudzi. Sa mutukana o lugaho, a hu na na u timatima, o vha e o lugaho. Sa khotsi wa vhukuma... Nga u thetshesela khotsi awe binduni, o vha e mutukana o lugaho—o lugaho. O luga kha vhabebi vhawé. O vha o fulufhedzea kha tshifhe wawé. O vha o fulufhedzea kha tshivhidzo tshawe. O vha o fulufhedzea kha milayo ya Mudzimu. Fhedzi a xeletwa nga tshithu tshihulwanesa, huno zwińwe zweithe a two ngo amba tshithu nga maanda khae musi o furalela vhurangaphanda ha Vhutshilo Vhu Sa Fheli, Yesu Kristo.

¹⁵² Dzhielani nzhele! Uvhu vhurangaphanda vhu livhana na muńwe na muńwe washu ḥamus, zwenewzo zwithihi zwe ha ita uļa muňhannga, rine... a hu londwi uri ri vha rerelaho hani. Ni nga di vha ni Mukađolika, ni nga di vha ni Mubaphuthisi, Mumethodisi, kana ni nga di vha ni Vhapentekostała, kana tshińwe na tshińwe tshine na vha tshone, tshenetshi tshithu tshithihi tsho livhana na inwi madekwana a ḥamus: Vhutshilo Vhu Sa Fheli, iyo ndi, ḥanganedzo ya Yesu Kristo. Ri ḥewa itshi tshifhinga.

¹⁵³ Tshiñwe tshifhinga vhutshiloni ri tea u livhana na itsho tshithu u tou fana na uyu muthannga o ita, ngauri ni muthu a faho huno ni newa—ni newa tshifhinga tsha munango. Ni na munango. Mudzimu o zwi ita uri ni kone u nanga. Arali O vhea Adamu na Efa kha vhudilangi ho vhofholowaho uri vha kone u nanga, huno zwenezwo vha ita munango wo khakheaho, huno, ni a vhona, A nga si ite tshithu tsho engedzeaho kha inwi u fhira tshe A ita khavho. U tea u ni vhetshela tshenetsho tshithihi uri ni kone u nanga kana u landula.

Ni na munango. Kha ri sedze miñwe yayo:

¹⁵⁴ Ni na munango, sa muthannga, uri kana ni khou yo vha na pfunzo kana hai. Ni na uyo munango. Ni nga ḥoda u vha ane “a sa tou funa u vha nayo,” ni nga di tou i hana.

¹⁵⁵ Ni na munango wa vhudifari hanu. Ndi khou yo vhaisa zwitukunyana hafha. Ni a vhona? Ni nga bva na litsha mavhudzi anu a tshi alutshela fhasi huno na vha ‘Beatles’ kana vhañwe vha avha vhadzia-u-đihangwisa.

¹⁵⁶ Kana vhoinwi vhasadzi, ni nga di vhonala vhunga mu—muthu a ḥonifheaho kana ni nga vha tshiñwe tsha izwi zwivhumbwa two vhifhaho zwine ra vha nazwo ngei nnanda, izwo zwa maño a buluu. Na magerele a mavhudzi mahuluhulu na zwitihu, zwi lwa na Ipfi la Mudzimu tshothe, zwine zwa vhukumakuma zwa vha zwi hanedzaho; vha nga si vhuye vha ita...vho kundelwa u ita thabelo i tanganedzwaho. Izwo ndi Ngoho. Izwo ndi zwone kokotolo. Izwo ndi zwe Bivhili ya amba.

¹⁵⁷ Fhedzi ho bvelelani kha inwi, tshivhidzo? No no vhona zwinzhiswa zwa thelevishini, zwithu zwinzhiswa zwa shango, zwi leluwa nga maanda uri kudzulele kwanu kwa Adamu wa kale ku redzemutshele ngomu ha hezwo, u ḫifara vhunga vhañwe vhavho vhothe.

¹⁵⁸ Kha ndi dovhe hezwi hafhu! Kha khosha, kha u netshedzwa ha tshi—tshi—tshipfumelo maduvhani a Mushe, musi Mushe o bvisa vhana, ho vha hu tshi tea u vha na mađuvha a sumbe e a vha hu uri a ho ngo tea u vha na dini vhukati ha vhatu. Muñwe na muñwe u a zwi ḫivha hezwo. Kha Ekisodo, “Hu songo wanala dini gammbari yanu na luthihi, mađuvha a sumbe.” Ayo maduvha a sumbe o imela “zwikhathi zwa sumbe zwa tshivhidzo” two dalaho. Ni a vhona?

¹⁵⁹ “Hu songo vha na dini.” Zwino, naa ndi mini itsho? A hu na ndaela, a hu na shango. Yesu o ri, “Arali ni tshi funa shango kana zwithu zwa shango, lufuno lwa Mudzimu a lu vhuyi lwa vha kha inwi.” Ni a vhona? Huno ri khou lingedza u zwi vanganya hezwo; ni nga si zwi ite! Ni tea u da kha tshithu tshithihi u tenda: ni khou yo tenda Mudzimu kana, ni khou yo tenda tshivhidzo tshañu, ni khou yo tenda shango, ni

khou... ni nga si zwi vanganye fhethu huthihi. Huno ni nga si farelele kha izwo zwithu zwa kale zwe tshinwe tshivhidzo tsha ita phanda hañu. Ni tea u dzhia Mulaedza wa awara.

¹⁶⁰ O ri, "Zwo salaho, ni songo zwi litsha zwa dzula u swika nga matsheloni (u dzhena kha itsi tshinwe tshikhathi), zwi fhiseni nga mulilo; zwi tshinyadziwe." Uri tshikhathi tshire na tshila khatsho, Mulaedza wa tshino tshikhathi, U tea u bviswa Marwaloni huno wa khwathisedzwa nahone wa sumbedzwa nga Mudzimu uri ndi Mudzimu a no khou ita nga u ralo. Zwenezwo Uyo ni do u tanganedza kana na U landula. Uvho ndi Vhutshilo Vhu Sa Fheli, vhurangaphanda ha Muya Mukhethwa, u rangaho phanda Tshivhidzo Tshawe.

¹⁶¹ Ro vha ri tshi nga twa kha hezwo lwa tshifhinga tshilapfu, fhedzi kha ri bvele phanda, ri dzulele u bvela phanda.

¹⁶² Munango wa vhudifari hañu. No vha ni tshi nga... Ni nga si zwi vanganye zwino. Ni ima na Mudzimu kana ni lwa na Mudzimu, huno zwisumbedzi zwa nga nn̄da zwi sumba kokotolo zwi re ngomu. Ni a vhona? Tsheñe ya mupfa... Vhunzhi hañu ni elekanya, "Ndi na ndovhedzo ya Muya Mukhethwa, ndi khou ya Tađulu." Izwo a zwi ambi na tshitihu na tshithihi uri ni khou ya Tađulu. Hai, muñe wanga. Ni nga di vha na ndovhedzo ya Muya Mukhethwa awara inwe na inwe vhutshiloni hañu, huno na di xela nahone na ya vhudzulavhafu. Bivhili yo ralo. Uh-huh, izwo ndi zwone kokotolo.

¹⁶³ Sedzani hafha, inwi ni muthu wa nga nn̄da. Ni na zwipfi zwiñanu zwine zwa kwama uyo muvhili wa nga nn̄da. Mudzimu o ni nea zwipfi zwiñanu; hu si ni u kwama Ene, haya hañu ha lifhasi: vhonani, thetshelani, kwamani, nukhedzani, nahone ipfani.

¹⁶⁴ Zwenezwo ni na maya ngomu ha hoyo, huno u na khoro thanu: luvalo, na lufuno, na zwiñwe-vho. Khoro thanu dzine na kwama shango la maya ngadzo, fhedzi nga maya wañu.

¹⁶⁵ Zwa muvhili wañu zwi kwama zwi re na muvhili. Zwa maya zwañu zwi kwama zwa maya. Fhedzi ngomu hawo ni na mbilu, huno iyo mbilu ndi iyo dzhini i bvaho ha Mudzimu.

¹⁶⁶ Huno vhunga lushie lwo vhumbwa mbumbeloni ya mme alwo. Musi lushie lu tshi dzhena ngomu ha—kha mbumbelo ya mme nga kutshili kuñuku, lu kokovhela gumbani. A lu vhumbi sele nthihi ya muthu, i tevhelaho ya vha mmbwa, huno i tevhelaho ya vha tshimange, huno i tevhelaho ya vha bere. Dzothe ndi sele dza muthu ngauri dzi fhañwa dzi tshi bva seleni ya vhubvo ya muthu.

¹⁶⁷ Huno musi muthu o bebwa hafhu nga Ipfi la Mudzimu, o telwa Vhutshiloni Vhu Sa Fheli, a tshi vhidzwa "Munangiwa," hu do vha Ipfi la Mudzimu n̄tha ha Ipfi, Ipfi kha Ipfi! Hu si ni ndaela ya dinomineisheni huno ha mbo vha Ipfi, na ndaela; huno zwi nga si shume. Ni nga si vhe na ilo dini Khađo! Vhutshilo Vhu Sa Fheli ndi vhuthihi fhedzi, Yesu Kristo Ipfi:

*U rangani Ipfi o vha e hone, huno Ipfi o vha e na
Mudzimu, huno Ipfi o vha e Mudzimu.*

*Huno Ipfi a itwa nama, huno a dzula vhukati
hashu, . . .*

¹⁶⁸ Dzikhonani, ni kanzwa vhananga. Ni nthumela masimuni a vhurumiwa kha shango, u qisa Mulaedza. Ndi tea u vha a fulufhedzeaho kha inwi. Tshine nda khou tshi sedza, khamusi a ni tshi vhoni. Itshe ndi tshone tshine ngatsho nda vha fhano u lingedza u ni vhudza. A si ngauri ndi sa funi vhathu, ndi ngauri ndi tshi funa vhathu. Ndi a khakhulula. Musi ndi tshi vhona u suvha ha tshivhidzo, tshi tshi pambuwa, hu tshi pfi, “Zwo luga, ro ita *hetshi* nahone ro ita *hetsho*,” nda sedza u mona hothe kha tshivhidzo huno nda vhona . . . Zwi tou vha zwi si nga shumi.

¹⁶⁹ Zwenezwo sedzani hafha Bivhilini huno ni vhone uri zwi tea u vha nga iyo ndila vhufheloni, itshe Tshikhathi tsha Tshivhidzo tsha Laodikea tshi dudelaho, tshi tshi bvisela Yesu nn̄da (Ipfi). Na kathihi Ho ngo vhidza . . . Ha khou yo vhidza tshiniwe tshivhidzo. O ri, “Vhanzhi vhane Nda vha funa, Ndi a vha kaidza. Ndi a vha rwa.” U dzhia Ipfi na u fhula Ngało, na u amba, “Ni a khakha khazwo!” Ndi ngazwo ndi tshi ni funa. “Arali ni tshi do vula vothi huno na Ntendela u dzhena, Ndi do dzhena huno nda lalela na inwi.” Hu si ni tshivhidzo, O no di bviselwa nn̄da ha hetsho.

¹⁷⁰ Tsho livha kha Khoro Ya Tshikriste Ya U Vhuedzanya. Afho ndi hone he tsha ya, henengei murahu Roma hune tsha bva hone. Huno izwo ndi zwone kokotolo. Izwo ndo zwi nwala kha bammbiri miñwahani ya fumbiliñthanu yo fhiraho, kana miñwaha ya furaruraru yo fhiraho, huno ngetshilaa. Hu si izwo fhedzi, zwo nwala Bivhilini, zwi tshi bva kha bono. Tsho no humela murahu. A hu na ndila ya u tshi tshidza, zwo fhela nga hatsho! Zwi khou do vha nga heyo ndila.

¹⁷¹ Mudzimu u khou vhidza nga *muthihi-muthihi*. “Ndo ima muqangoni huno ndi a ombo-omba. Arali muthu, muthu muñwe na muñwe . . .” Muthu muthihi kha vha tshigidi, hu nga di vha muthihi kha vha milioni.

¹⁷² Vhunga ndo amba masiku a si gathi o fhiraho. Musi Israele i tshi bva Egipita, ho da fhedzi vhathu vha milioni mbili, nahone vhe milioni mbili fhedzi; muthihi fhedzi . . . vhathu vhavhili fhedzi vho dzhena. Muthihi kha vha milioni. Naa izwo no zwi ñivha? Kalebe na Yoshua.

¹⁷³ Huno Yesu, musi O vha e kha lifhasi, vho ri, “Vhokhotsi ashu vho la mana sogani. Ri khou vhulunga maitele. Nahone ri khou ita *hetshi*. Ri ñivha he ra ima hone!”

¹⁷⁴ A ri, “Ndi a ñivha uri vhokhotsi anu vho la mana sogani, huno muñwe na muñwe wavho o fhandekanywa lwa U Ya Nga Hu Sa Pheli. Vho fa!”

¹⁷⁵ Musi mbeu i tshi bva kha wa tshinna kana wa tthisadzi, hu ḏa makumba a milioni, hu ḏa zwitshili zwa milioni. Huno nga izwo zwitshili zwiṭuku zweṭhe, zwa lushaka... Arali i tshi—arali i tshi bva kha phulu, kana munna, kana tshiňwe na tshinwe tshire tsha vha tshone, hu tou vha na zwitshili zwa dzimilioni, zwitshili zwa milioni zwi no khou shuma. Ngomu heneffo hu na kuthihi fhedzi kwa izwo zwitshili kwo telwaho vhutshiloni, ngauri hu na gumba lithihi henehafho, ḥo vhibvaho, u ṭangana nayo. Izwo ndi zwone. I do ṭangana na gumba lithihi fhedzi. U tou fana na uyu muvhili hafha wo dzulaho hafha, huno kutshili ku bva ha Mudzimu. Ni a vhona? Huno sedzani ukwo kutshili kuṭuku ku tshi ḏa vhukati ha izwi zwiňwe zwitshili zweṭhe, huno kwa kwa ya ngei na ngei u mona nazwo, kwa zwi fhira heneffo, kwa ya nga hangei huno kwa wana ḫo gumba ḥo vhibvaho nahone—nahone kwa kokovhela heneffo ngomu halo; huno maňwe oṭhe a a fa.

¹⁷⁶ Mini-ha arali zwo vha zwi nga iyo ndila kha tshivhidzo namusi, muthihi kha vha milioni? Ni a vhona he tsha vha tshi tshi ḥo vha tshi hone? “Khoro ndi ḫukhu na Ndila ndi tsekene, huno a si vhanzhi vhane vha ḥo I wana; ngauri ndila i yaho tshinaloni yo aṭama, huno ndi vhanzhi vha no ḥo tshimbila ngayo.”

“Naa iyo ndi ngoho, Mukomana Branham?” A thi ḫivhi, fhedzi ndi khou tou redza Luňwalo. Ni a vhona?

¹⁷⁷ Zwino, no telwa Vhutshiloni. Ni a Vhu vhona arali no telwa u Vhu vhona. Arali ni songo telwa u Vhu vhona, ni nga si Vhu vhone. Ha pfi, “Vha na maṭo fhedzi a vha vhone, nđevhe fhedzi a vha pfi.” Ni tea u livhuwa hani, tshivhidzo! Ni tea u dilulamisa kha izwi zwithu! Nga ndila ine na tea tea u vha a dugaho kha Mudzimu! Uri maṭo aṇu a lavhelesa zwine na vhona, nđevhe dzaṇu dici pfa zwithu zwine na vhona. Vhurangaphanda! Naa ndi ngani no ḏa fhano madekwana a namusi u pfa Mulaedza u no nga Uyu? Ndi dzhiwa shangoni ḥoṭhe, nga zwivhidzo, sa “wa vhusweleli ho kalulaho.” Naa ndi ngani no ḏa? Muya Mukhethwa wo ni ranga phanda na ḏa ngeno (ni a vhona? ni a vhona?) u thetshalesa. Rubani! Tshetshelani kule zwithu zwa shango, ṭanganedzani vhurangaphanda ha Yesu Kristo, kana ni ḥo lovha sa shango ḥi hone.

¹⁷⁸ Ni na munango wa vhudifari. Uri ni ḫifara hani, izwo zwi kha inwi.

¹⁷⁹ Ni na munango wa mufumakadzi. Ni a bva na dzhia mufumakadzi waṇu. Ni ḥodou dzhia mufumakadzi, ni ḥodou dzhia ane a ṭutshelana na zwaṇu...kha zwine na ḥoda waṇu...u puṣana uri haya hanu hu vhe zwone. Naa ni nga humbulela munna, munna wa Mukriste, a tshi bva huno a dzhia munwe wa avha vho-Ricketta vha musalauno u vha mufumakadzi? Huh? Naa ni nga humbulela? Naa uyo munna u khou elekanya nga ha mini? Naa u ḥo vha na haya ha

lushaka-de arali a tshi dzhia mudantsi a ḋibvulaho, mudibvuli wa tshiṭaraṭani hafha nn̄da, murengisamuvhili wa tshiṭaraṭani? “Oo,” inwi ni ri, “zwino, imani lwa tshifhinganyana.” Naa u ambara hani? Ni a vhona? Ni a vhona? U ambara dzishothi na zwithu, ndi ene murengisamuvhili wa tshiṭaraṭa. “Oo,” inwi ni ri, “zwino, Mukomana Branham!” Oo, izwo zwikete zwiṭuku zwa kale zwi pataho, zwi tou nga no shululelwā ngomu, murengisamuvhili wa tshiṭaraṭani.

¹⁸⁰ Yesu o ri, “Ane a lavhelesa musadzi uri a mu emule, o no ita vhupombwe nae mbiluni yawe.” Zwenezwo izwo u tea u zwi fhindula. Huno ene o itani? O ḋinēkedza. Ndi nnyi a re na mulandu? Zwi elekanyeni.

¹⁸¹ Inwi ni ri, “A vha iti zwiñwe zwiambaro.” Vha na thundu na mitshini ya u runga. A hu na tsha u ḋilandula ngatsho. Huh-uh. Izwo ndi zwone kokotolo.

¹⁸² Zwino, a thi ṭodi u ni vhaisa. Huno uyu a si mudai, ili ndi U RALO MUREÑA ili bvaho Marivaloni. Ndi ngoho kokotolo, khonani. Ndi mukalaha, a thi na tshifhinga tshilapfu tsha u tshila, fhedzi ndi tea u ni vhudza Ngoho. Arali uyu u mulaedza wanga wa u fhedza, ndi Ngoho. Ni a vhona? Ni songo ita, khaladzi. Ni songo ita, mukomana.

¹⁸³ Huno vhoiñwi vhathu no nembelelaho kha nda—ndaela, huno ni tshi ḋivha Ipfi la Mudzimu li tshi khwathisedzwa heneffo phanda hañu. Ndovhedzo ya Muya Mukhethwa na izwi zwa vhukuma zwine ra vha nazwo ñamusi, huno zwenezwo, nga ñwambo wa ndaela yañu, na Li furalela? Naa ni nga vha hani murwa wa Mudzimu huno na landula Ipfi la Mudzimu lo bulelwaho aya mađuvha a u fhedzisela ane ra tshila khao? Naa ni nga zwi ita hani? Naa izwi Bivhili i nga zwi vhidza hani . . .

¹⁸⁴ Vhunga ndo amba vhusiku ho fhiraho nga ha kho—khosi nga tshiñwe tshifhinga, fhasi ngei Tshipembe, musi vho vha vhe na makhaladi fhasi henengei vha tshi rengiswa vha vha dziphuli. Mulandu, vho vha vha tshi fana na ma—makete wa mimođoro yo shumaho, ni wana tshilipi tsha thengiso khavho. Huno nda tshuwa, fhethu hutuku . . . ndo vhala liñwe ḋuvha he mu—murengi a bvelela u renga miñwe, huno a ri, “Zwo luga, zwino, ndi ṭodou . . .” Vho vha vho tungufhala, no vha ni tshi do tea u vha tshaela, u vha ita uri vha shume ngauri vho vha vhe kule na haya. Vha rengiswa, dziphuli. Huno vhone vhe shangoni lisili le vha vha vha sa ḋivhi tshithu nga halo, huno na kathihi vha si nga do vhuya hayani hafhu, nahone vho vha tungufhala. No do tea u vha tshaela, u vha ita uri vha shume. Fhedzi uyu murengi a ða nga iñwe pulantesheni.

¹⁸⁵ Muñwe muthu muswa heneffo o bvisela khana yawe nn̄da, tshiṭefu tshawe tsho imela n̄tha, no vha ni sa tei u mu tshaela. O vha o ima zwavhuđi, nahone a vhulunga vhuđilisi ha vhañwe vhothe n̄tha.

Murengi a ri, “Ndi do mu renga.”

¹⁸⁶ A ri, “Ha rengiswi. A thi khou yo ita. A ni khou yo mu renga, ngauri ha rengiswi.”

¹⁸⁷ A ri, “Zwo ralo, ndi tshini tshi no mu ita uri a vhe o fhambanaho nga maandesa?” Ha pfi, “Naa ndi ene muhulwane kha vhañwe vhoþe?”

Ha pfi, “Hai.”

Ha pfi, “Naa ni mu kanzwa nga ndila yo fhambanaho?”

¹⁸⁸ Ha pfi, “Hai. Ndi phuli, u la hangei nn̄da ngalavhani na vhañwe vhoþe.”

Ha pfi, “Ndi tshini tshi no mu ita uri a vhe phambano nga maandesa?”

¹⁸⁹ A ri, “Na nne ndo mangala, u swika ndi tshi wanulusa. Ngei kha la Afurika (hune vha bva hone, he Mavhuru a vha renga, huno a vha ðisa hangeno a vha rengisa sa dziphuli), henengei khotsi awe ndi khosi ya lushaka. Huno naho, e mutsinda, kule na haya, u a divha uri ndi ene murwa wa khosi. Ngauralo u ðifara nga heyo ndila.”

¹⁹⁰ Ndi u kaidzwa-de nandi kha Vhukriste! Ri khou tea u imela Mudzimu na Vhutshilo Vhu Sa Fheli. Hu na tshivhumbeo tshithihi tsha Vhutshilo Vhu Sa Fheli, huno uvho ndi Mudzimu. Ene e ethe u na Vhutshilo Vhu Sa Fheli. Huno riñe ri zwibveledzwa Zwawe, ngauri ri dzhini dza Muya Wawe. Zwenezwo ri tea u ðifara, vhasadzi na vhanna, vhunga Bivhili yo ri vhudza uri ri ite. Hu si ni Vhojesebele vha tshitaratani, na vho-Ricky vha dzangano; fhedzi nzhinga dza Tshikriste, vharwa na vhananyana vha Mudzimu, vho bebwaho nga Muya wa Mudzimu, vha tshi vhonadza Tshedza maðuvhani ashu nahone vha tshi Tshi balanganya. Izwo ndi zwone kokotolo.

¹⁹¹ Ro redzemutshela kule Nalo zwingafhani! Mulandu? Zwenezwo zwithihi zwe uyu mutukana a ita hafha. O landula, a hana Vhutshilo Vhu Sa Fheli, ngauri Vhu do mu dzhieila tshiiimo tshawe vhukati ha vhathu, Vhu do mu dzhieila ludzula lwawe-lwawe-lwawe lwa tshelede, Vhu do mu dzhieila vhuñama hawe tshivhidzoni, Vhu do mu dzhieila zwithu zwinzhisa. O divha zwe ha vha Vhu tshi khou yo mu dzhieila zwone, o vha e mutukana a re na thalukanyo, huno o zwi pfa zwauri u do kundelwa u badela mutengo. Naho zwo ralo a elekanya, “Ndi do tou fulufhela vhurereli hanga huno nda bvela phanda.” Fhedzi fhasi mbiluni yawe o divha zwauri hu na tshiñwe tshithu malugana na Yesu Kristo tshe tsha vha tshi tshi fhambana na avho vhotshifhe vha ilo ðuvha.

¹⁹² Huno Mulaedza muñwe na muñwe wo dzhenaho, wa vhukumakuma, Mulaedza wo bebwaho wa Mudzimu, u fhambana na ndowelo ya kale. Musi phodzo ya Muya i tshi bva, zwa zwenezwino, naa no dzhieila nzhele uri vhaedziseli

vho u sala murahu hani? Ni a vhona? Huno muńwe na muńwe wavho u heneffo kha ayo madzangano, o dzula heneffo. Naa hu na a no divha zwauri ho ḋo tea u vha na Mulaedza u no i tevhela? Mūlandu, Mudzimu ha ri mvumvusi! U kunga tshenzhemo yashu nga tshińwe tshithu, huno musi A tshi kunga tshenzhemo yashu, zwenezwo U na Mulaedza Wawe.

¹⁹³ Sedzani musi A tshi da lwa u thoma kha lifhasi, huno a thoma mushumo Wawe, “Oo Rabi muswa, ri U ḋoda nga hangeno tshivhidzoni tshashu. Riñe... Ri tsela ngeno fhasi.” Muporofita muswa. “Oo, ri U ḋoda nga hangeno. Ida ngeno.”

¹⁹⁴ Fhedzi liinwe ḋuvha A ima huno a ri, “Nñe na Khotsi Anga ri Muthihi.”

¹⁹⁵ “Yawee, nñenñe! U Diita Mudzimu.”

¹⁹⁶ “Nndani ha musi ni tshi la Nama ya Murwa-muthu huno na nwa Malofha Awe, a ni na Vhutshilo kha inwi.”

¹⁹⁷ “Ndi munwamalofha! A ri na mushumo na hezwo.”

¹⁹⁸ Avho vhaapostola vha dzula heneffo; vha zwigidi vha Mu tutshela, fhedzi avho vhaapostola vho vha vho telwa Vhutshiloni. O ralo. Vho kundelwa u Li ḫalutshedza; vho Li tenda. Vho dzula heneffo Naļo ngauri, ha pfi, “A hu na muthu we a kona u ita mishumo iyi.”

¹⁹⁹ Na vhotshifhe izwo vho zwi divha. Nikodemo o ri, “Ri a divha” (khoro ya Sanhedrini) “zwauri a hu na muthu we a kona u ita mishumo iyi nnđani ha musi i tshi bva ha Mudzimu.” Ni a vhona?

²⁰⁰ Petro, nga ḋuvha ja Pentekoste, o ri, “Yesu wa Nazaretha, Munna o themendelwaho nga Mudzimu vhukati hanu. Mudzimu o vha e Nae.”

²⁰¹ Sedzani Mańwaloni, zwe Mańwalo a ri u do ita. Yesu o ri, “Fhendani Mańwalo, Khao ni elekanya uri ni na Vhutshilo Vhu Sa Pheli. Ndi one ane a Nțanzielela. Arali no vha no divha Mushe, no vha ni tshi ḋo Nndivha, ngauri Mushe o ḫwala zwauri Ndi ḋo ḋa, nga tshivhumbeo tshine Nda ḋo ḋa ngatsho.” U ḋa sa Murwa-muthu.

²⁰² U ḋa nga madzina mararu, sa Mudzimu. Raru (vhunga Khotsi, Murwa, na Muya Mukhethwa), Mudzimu onoyo muthihi, ndi zwitäluli zwiraru.

²⁰³ Zwino zwenezwo, hafhu, u itwa o lugaho, vhukhethwa...; Luther, Martin, na—na—na Mupentekostała; zwenezwo zwitħihi: zwitäluli zwiraru, zwitħiżi zwiraru, zwikhathi zwiraru zwa tshivhidzo.

²⁰⁴ Zwenezwo zwitħihi: mađi, malofha, na maya. Oo, musi ni tshi khou tshimbila, ndi zwivhumbatsiko zwiraru zwi no ni humisela murahu muvhilini. Vhunga zwi tshi ni q̄isa ni tshi bva mabeboni anu a mupo, zwi fanyisa mabebo anu a maya.

Lushie lu tshi bebiwa, tshithu tsha u thoma ndi madi, tshi tevhelaho ndi malofha, huno ha mbo vha vhutshilo. Iyo ndi ndila ine na da ngomu Muvhusoni wa Mudzimu ngayo, ndila yeneyo nthihi. Ni a vhona? Iyo ndi ndila ine Tshivhidzo tsha dzhena ngayo, ndila yeneyo nthihi. Zwenezwo zwithihi. Zwino dzhielani nzhele kha izwi zwithu zwiraru, Mudzimu o vhumba Wawe... a tshi khou vhumba muvhili Wawe.

²⁰⁵ Zwino ri wana uri ngomu hafha, ni na pfanelo kha munango wanu. Ni nanga musidzana ane na todza u mu mala; u a ni tanganedza, zwo luga.

²⁰⁶ Zwenezwo tshinwe tshithu, ni na munango wa uri kana ni todou tshila kana a ni todzi u tshila. Ni nanga zwino vhukati ha Vhutshilo na lufu. Ni nga tshila.

²⁰⁷ Uyo mutukana o vha na uyo munango. O vha a tshi bvelela kha tshinwe na tshinwe-vho, munna a rerelaho, fhedzi o divha zwauri musi itsho... O zwi amba ene mune, "Ndo tevhedza iyi milayo yothe u bva ndi tshee muswa," fhedzi o divha uri Vhutshilo Vhu Sa Pheli ha naho. Ni a vhona? Huno o vha e na munango wa uri a nga Vhu tanganedza kana a Vhu hana, huno a Vhu furalela. Iyo yo vha khakho i re khombo nga maandesa ye a vhuya a i ita. Vhuniwe hao hothe a ho ngo amba tshithu. A vhu iti, a vhu ambi tshithu, nnandi ha musi ni tshi dzisia Uyo munango.

²⁰⁸ Zwino kha ri mu tevhele kha u nanga hawe, huno ri vhone uri ho mu ranga phanda ha mu isafhi. Zwino, vhonani he a nanga. Zwino, sedzani, o vha—o vha e munna o pfumaho, o vha e ramabindu, o vha e muvhusi, nahone o vha e munna a rerelaho. Hezwo zweathe!

²⁰⁹ Namusi ro vha ri tshi do ri, "Mutukana, ndi Mumethodisi wa vhukumakuma, kana Mubaphuthisi, kana Mupentekostala. Ndi—ndi muthu wa vhukuma, mutukana wavhu di vhukuma. Wavhu di!" A hu na tshe na vha ni tshi nga tshi amba nga hae; wa vhukonani, wavhu di, muthu wa vhatnu, na tshinwe na tshinwe. Hu si na u shaya vhudilisi khae. Khamusi o vha a sa dahi, u nwaa, kana u gidimela dzishouni na dzidantsini, na tshinwe na tshinwe tshine ri nga tshi vhidza tshone namusi, sa zwine ri nga khethekanya Mukriste. Fhedzi itsho a tshi athu vha Vhutshilo Vhu Sa Pheli! Itsho a si tshine ra khou amba nga hatsho. A nga di vha o vha a fulufhedzeaho kha tshivhidzo tshawe, khamusi kha tshe a vha e khatsho. Fhedzi, ni a vhona, huno ho mu ranga phanda ha mu isafhi? U takalelwua huhulwane. Kha ri ri, arali o vha e mureri, o vha a tshi do vha... o wana tshivhidzo tsha khwine. O vha a tshi do vha o vha mupuresbiteri wa muvhuso kana mubishopo. Ni a vhona? Hu ni isa kha u takalelwua, huno ho mu isa kha lupfumo na bvumo.

²¹⁰ Hu nga kha di ita zwenezwo zwithihi namusi, ni na mpho khulwane ya u imba. Ndo elekanya nga ha uyo muhannga we a imba lu la luimbo fhano tshifhinganyana tsho fhiraho; uri iyo

o i ḥea hani Diabolo, huno zwino u i wana murahu... Na uri phambano i hani vhukati hawe na Elvis Presley na vhańwe vha avha. Pat Boone, na tshigwada tsho raloho, Ernie Ford, avho vhanna, vhaimbī vhahulwane; huno vha dzhia mpho dzavho, idzo mpho dzo ḥekedzwaho nga Mudzimu, huno vha dzi shumisa u susumeda mi—mishumo ya Diabolo. Izwo ndi zwone. Muńwe muimbi muhulwane a tshi khou rengisa mpho dzawe dzo ḥekedzwaho nga Mudzimu u itela bvumo shangoni lino, u vha muńwe muthu. Naa ni nga vha hani a no fhira “muvhili” u fhira zwe na vha ni tshi nga kona, u vha muńwe muthu, u fhira u vha murwa wa Mudzimu?

²¹¹ A thi londi arali ni na dorobo yōthe, shango lōthe, huno ni songo ḥanganedza vhurangaphanda ha Vhutshilo Vhu Sa Fheli nga Muya Mukhethwa (Kristo), naa ni khou yo u... Naa inwi ni nnyi, naho zwo ralo? Ni tshivhumbwa tshi no fa tsho faho, tsho faho tshivhini na dziphambuwoni! U vha a rerelaho sa zwine na ḥoda; sa zwine na ḥoda u vha a fulufhedzeaho kha tshivhidzo; mureri, arali ni tshi ḥoda u vha kha phuluphithi; fhedzi u furalela, ni a fa!

²¹² O vha a tshi bvelela nga maanda. O vha a tshi bvelela nga maanda hafha vhutshiloni vhuno. Žwa vhukuma. Ri mu wana hune ra dzhiela nzhele... Zwenezwo ri wana uri uyu muthu, o ya... Ri a mu tevhela zwijukunyana, huno ri a vhona zwauri o vha a bvelelaho nga maanda. Huno ri mu tevhela Bivhilini. Ri dzhiela nzhele uri o—o... Ri mu wana e munna o pfumaho. U na fhethu huhuluhulu, o vha a tshi khou mvumvusa muhaṭuli na meyara wa dorobo, kana vhańwe. U nthā ha thanga yawe, huno u na zwimima zwihiulwane; na dziweta nnzhi, na vhasadzi, vhasidzana, na tshińwe na tshińwe-vho, u mona nae. Huno ho vha hu na muhumbeli o edelaho getheni, a no pfi Lazar. U swielela zwipedu khae. Iyo nganea ri a i diwha. Tshithu tshi tevhelaho, u bvela phanda na u bvelela, u tou fana na zwivhidzo zwi tshi ralo ḥamusi.

²¹³ Ramabindu o dzula hafha, a tshi khou mmbudza, “Henehafha California, zwauri tshivhidzo tshi tea u vhudza dzangano la vhashumi zwine la tea u ita.” Ni a vhona, hu vha tshivhidzo na muvhuso hafhu. Zwi henefho kha inwi. Ni a vhona, ni ngomu henefho, huno ni dzhia luswayo lwa ḥivhanda ni sa zwi divhī.

²¹⁴ Arali no no vhuya na renga inwe ya theiphi dzanga, wanani heyi, musi ndi tshi swika—musi ndi tshi swika hayani, *Vhuṭala Ha Nowa*; huno ni do vhona hune ya vha hone, na vhona hune iyi ya guma hone. Ndi ya hayani zwino u amba, arali Murena a tshi funa. Tshi ḥodou vha awara ḥna, ngauralo ndo kundelwa u u vhulunga kha muńwe wa miṭangano i no nga hoyu. Ndi tea u gonya ngei hune tshivhidzo tsha nkondelela tshifhinga tshilapfu, tshi sa fheli mbilu. Dzhielani nzhele. Fhedzi zwino ni nga thetshelesa theiphi nga tshińwe tshifhinga hayani haṇu.

²¹⁵ Dzhielani nzhele heli, zwino ri wana zwauri o vha a tshi bvelela nga maanda. Zwenezwo ri mu wana ngavhuva u swika a tshi bvelela nga maandesu, u swika a tshi ri, “Ndi na zwinzhi nga maanda!” Mutukana, o vha a tshi do vha munna wa vhukumakuma wa lino duvha. O vha a si nga vhi nga u ralo? “Na madulu anga o kukumuwa, o dala. Huno ndi na zwinzhi nga maanda u swika ndi tshi ri, ‘Oo, myua, diawetshele.’”

²¹⁶ Fhedzi, zwe a ita u rangani, o landula vhurangaphanđa ha Yesu Kristo. Tshivhidzo tshawe, vhutali hawe, pfunzo yawe, na zweithe, two mu ita uri a bvelele. Vhayuda vhothe vho mu funa. O vha a tshi vha nea, o vha thusa, a nga di vha o ita *hetshi, hetsho*, kana *tshinwe*. Fhedzi, ni a vhona, o landula vhu-vhu—vhurangaphanda ha Yesu Kristo, Vhutshilo Vhu Sa Pheli. Huno uyo... Bivhili yo ri, O ri, “Iwe tsilu, madekwana a namusi myua wau u a godea.”

²¹⁷ Huno zwino ri mu wana (fhetu hu tevhelaho) vhudzulavhafu; a tshi imisa mađo awe nahone a tshi vhona uđa muhumbeli, we a mu furalela nnda tshitarađani, e marumbini a Abrahamu. Khakho i re khombo-de nandi! Nga ndila ye zwivhidzo zwa—zwa—zwa—zwa vha zwi heneffo tshothe kha ndila ye zwa tshimbila ngayo, fhedzi two vha zwi tshi kha di vha zwi si na Vhutshilo Vhu Sa Pheli.

²¹⁸ Zwi nkhumbudza thero ye nda i rera fhano zwa zwenezwino, *Sefo Ya Munna A Elekanyaho*. Ni nga di vha no vha nayo. Ndo vha ndi tshi khou tshimbila, ndi tshi khou tshimbila mađakan, ndo vha ndi tshi khou zwima zwisindi (ulu luđavula) huno nda sedza fhasi. Huno, a hu na zwiňwe, ndi nga si vhidze iyo khamphani ya dzisigarete. Ni a i divha. Huno heneffo ho vha ho rambalala pa—paka ya dzisigarete yo rambalala heneffo. Huno ndo sokou fhira tsini hayo, ndi tshi khou ūđa...mađakan. Huno nda vhona iyo phakhetha yo rambalala heneffo, huno nda dovha nda sedza murahu, ya ri, “Sefo ya munna a elekanyaho, muthetshelo wa munna a no daha.” Nda sokou thoma u bvela phanda na u tshimbila mađakan.

²¹⁹ Huno Muya Mukhethwa wa ri, “Huma huno iyo u i dobe.”

²²⁰ Nda kotama nda i doba, “Sefo ya munna a elekanyaho, muthetshelo wa munna a no daha.” Nda elekanya, “Feme ya Amerika fhano, i tshi khou rengisa lufu nga u thivhedza, kha vhadzulapo vhayo vha Amerika.” Sefo ya munna a elekanyaho? Inwi... Nahone muthetshelo wa munna a no daha?

²²¹ Ndo vha ndi World Fair, na Yul Bryan... Brynner, na vhaiňwe henengei, musi a tshi nea uyo mulingo wothe. Huno nga ndila ye a vhea sigarete nthihi huno a kokodza wone... ntha ha mabulu nahone a dzhia yone... A phumula nikotini huno a i đodza kha muđodo wa mbevha, mbevha tshena, huno

nga mađuvha a sumbe ya vha yo dala pfuko lwe ya kundelwa u tshimbila. Huno vho ri, “Ni a divha, vha ri ‘sefo,’” ha pfi, “ndi maano mavhi, i rengisa sigarete dzo engedzeaho.”

²²² Zwi dzhia nikotini nnzhi nga maanda u fusha uyo diabolo. Izwo ndi zwone. Huno musi ni tshi dzhia sigarete yo sefiwaho, zwi dzhia sigarete dzi no ḥodou swika nna u dzhia fhethu ha nthihi. Ndi maano mavhi a u ni rengisela sigarete dzo engedzeaho. Ni nga si vhe na vhutsi nn̄dani ha musi ni na tshinyai; huno tshinyai, ni na pfuko. Ni a vhona uri i hani? Huno Vhaamerika vho pofulaho, vha tshi khou ḥoda thulogutshi uri i bve ngomu ha muñadzi huñwe fhethu, zwi a vha kunga. Ni nga si vhe nayo; ndi lufu, a thi londi uri ni tshimbila nga ndila ifhio, ndi lufu ndila iñwe na iñwe ine na tshimbila ngayo. “Sefo ya munna a elekanyaho,” munna a elekanyaho a nga si dahe na luthihi, izwo ndi zwone, arali a na mihumbulo zwayo-vho.

²²³ Ndi zwone, ndo elekanya zwauri uho hu nga konana na zwivhidzo. Ni a vhona? Ndi a elekanya, naa Mudzimu u na sefo? Ee.

²²⁴ Huno tshivhidzo tshiñwe na tshiñwe tshi na sefo. Izwo ndi zwone. Zwi sefa avho vha no dzhena, huno zwi tendela lufu lunzhi u dzhena-vho.

²²⁵ Naa no vha ni tshi nga vhuya na kokodza dinomineisheni nga Sefo ya Mudzimu? Naa no vha ni tshi nga zwi ita hani? Naa no vha ni tshi nga kokodza hani musadzi o fhungudzelwaho mavhudzi nga iyo Sefo? Mmbudzeni. Naa no vha ni tshi ḥo vhuya na kokodza musadzi a no ambara zwileke Heneffo, ngeno ‘Hu vhuñudzi a tshi ambara tshiambaro tsho teaho munna?’ Ni a vhona, Sefo ya Mudzimu yo vha i tshi ḥo mu fasha heneffo nn̄da, Yo vha i si nga mu tendeli u dzhena. (Fhedzi tshivhidzo tshi na sefo dzatsho.) Ngauralo ndi amba zwauri hu na Sefo ya munna a elekanyaho, iyo ndi Ipfi la Mudzimu, huno I tea muthetshelo wa munna mukhethwa. Izwo ndi zwone, munna mukhethwa; hu si ni munna wa tshivhidzo, fhedzi muthetshelo wa munna mukhethwa. Ngauri Lo kuna, vhukhethwa, Ipfi la Mudzimu li songo vangiwaho! Ngeyo Sefo ya munna a elekanyaho. Huno murado wa tshivhidzo, ndi ni eletshedza u shumisa Yeneyo.

²²⁶ Ngauri i dzenisa shango ngomu, huno bwindi layo lithihi ndi lufu. Bwindi lithihi li a dungisa, dini lithihi lituku li dungisa bwindi lothe. “Ane a ḥo tusa Ipfi lithihi kha Heyi, kana a engedza ipfi lithihi Khayo, mukovhe wawe u ḥo bviswa Buguni ya Vhutshilo.”

²²⁷ Ngadeni ya Edeni, tshe tsha vhangalufu, na uvhu vhuñgu hothe, liliambilu liñwe na liñwe, lushie luñwe na luñwe luñku lu no khou fa, phosho iñwe na iñwe mukuloni, ambulentsi iñwe na iñwe i tshi khou tzhemma, sibadela tshiñwe

na tshinwe, zwaloni huīwe na huīwe? Ho vha hu nga n̄thani ha uri Efa o timatima Ipfi *lithihi* (hu si ni Lone lothe), ho tou Li shanda fhedzi. Zwino, Mudzimu o ri, “Muthu,” heneffho, “o vha a tshi tea u vhulunga Ipfi la Mudzimu *linwe na linwe.*” Zwino, uho ndi u ranga ha Bivhili.

²²⁸ Vhukati ha Bivhili, Yesu u a da, huno A ri, “Muthu a nga si tshile nga tshinnkwa fhedzi, fhedzi nga Ipfi *linwe na linwe* li bvaho mulomoni wa Mudzimu.” Hu si ni tshipiqa Tshao, *linwe na linwe.*

²²⁹ Kha ya u fhedza ya Bivhili, Nzumbululo 22, Yesu u nea vhučanzi ha Ene mune. Nzumbululo ya—ya Bivhili ndi Yesu Kristo. Huno O ri, “Ane a do tusa Ipfi *lithihi* hafha, kana a engedza ipfi *lithihi* Khayo, mukovhe wawe u do bviswa Buguni ya Vhutshilo.”

²³⁰ Zwino, inwi fhirani kha *iyo* Sefo ya munna a elekanyaho, ni do vha na muthetshelo wa munna mukhethwa musi ni tshi bva Henefho. Ndi zwone. Ni do vha na muthetshelo wa mukhethwa.

²³¹ Khaladzi, inwi a no ambara izwo zwiambaro, zwi elekanyeni. Ni khou yo... Inwi ni ri, “Ndi a dīthonifha kha munna wanga.” “Ndi a dīthonifha kha khonani yanga ya mutukana.” “Ndi musidzana a dīthonifhaho.” Fhedzi ni ri mini nga ha uyo muitazwivhi we a ni sedza? Musi a tshi fhindula malugana na vhupombwe, naa ndi nnyi o zwi itaho? Ni a vhona, ni do vha na mulandu. Zwi vhoneni zwo nwalwa Ipfini, ngauralo ndi... Ni a vhona? Oo, ivhani musadzi a elekanyaho. Ivhani a elekanyaho...

²³² Inwi ni nga di ri, “Hu nga di vha...” Zwo luga, mini-ha arali zwi tshi nga vha nga iyo ndila? O amba nga u ralo, nahone Ipfi *lithihi* li nga si kundelwe. Ni a vhona?

²³³ Munna muhulwane o mmbudza zwa zwenezwino, a mmbidzela lufherani lwawe, ha pfi, “Ndi khou yo vhea zwanda kha inwi, Mukomana Branham. Ni khou tshinya mushumo wañu, ni tshi khou rera zwithu zwo raloho.”

²³⁴ Nda ri, “Mushumo muñwe na muñwe une Ipfi la Mudzimu la do u tshinya, u tea u tshinyiwa.” Ni a vhona?

²³⁵ A ri, “Ndi do vhea zwanda kha inwi.” Ha pfi, “No rumelwa u rabelela vhalwadze.”

²³⁶ Nda ri, “Naa ni a tenda izwo zwithu, mukomana?”

A ri, “Hai. Fhedzi a si mushumo washu.”

Nda ri, “Naa ndi mushumo wa nnyi, zwenezwo?” Ni a vhona?

“Musi,” a ri, “uyo ndi mushumo wa mufunzi.”

²³⁷ Nda ri, “Sedzani tshivhidzo.” Uh-huh. Izwo ndi zwone. Ni a vhona?

²³⁸ Nwaha muñwe na muñwe ndi a fhira ndi tshi khou rera izwi zwithu, huno ndi a elekanya, “Ngangoho vha a Li pfesesa,” nwaha u tevhelaho ndi a vhuya, ho sala vha si gathi. Ni a vhona? Izwo ndi zwone. Zwi a sumba uri “Vhanzhi vha a vhidzwa fhedzi hu nangiwa vha si gathi.”

²³⁹ Vhurangaphanda ndi Muya Mukhethwa, khonani. U a ni ranga phanda nahone wa ni endedza kha Ngoho yothe, musi Wone Muya Mukhethwa wo no ḍa. Zwino izwo zwi elekanyeni. Dzhiani Sefo ya munna a elekanyaho, iyo ndi Bivhili. Hu si ni ndaela yaṇu, hu si ni tshivhidzo tshaṇu; ni ḍo xela. Dzhiani Sefo ya munna a elekanyaho.

²⁴⁰ Afho ndi hone he uyo mutukana a sa elekanye. O dzhia sefo ya tshivhidzo. O takalelwa, munna muhulwane, “Fhedzi vhudzulavhafu o imisa maṭo awe, e tshengeloni.”

²⁴¹ Zwino inwi dzhiani Sefo ya munna a elekanyaho, Yesu Kristo, Ipfi, huno ni ḍo tama muthetshelo wa muthu mukhethwa, ngauri izwo I ḍo zwi fusha. Arali ni na Muya Mukhethwa kha inwi, Iyi i a u fusha.

²⁴² Arali Muya Mukhethwa u siho heneffo, inwi ni ri, “Oo, zwo ralo, a thi elekanyi uri izwo zwi amba uri hu na phambano.” Sedzani zwe na ita henehafho! Zwenezwo zwithihi zwe Efa a ita. No vhuya heneffo fhethu huthihi.

²⁴³ Zwino kha ri bvele phanda zwiṭuku. Zwino kha ri dzhie... ri sie uyo munna heneffo, we a sa shumise Sefo ya munna a elekanyaho. O hana u tanganedza vhurangaphanda ha Yesu Kristo, u ya Vhutshiloni Vhu Sa Pheli.

²⁴⁴ Zwino kha ri dzhie muñwe ramabindu o pfumaho, muswa, muvhusi a re na tshifhinga tshi fanaho na tshe uyu munna a vha natsho. Huno a Vhu tanganedza, a tanganedza vhurangaphanda ha Kristo. Zwino, hu na vhavhili Bivhilini vhane ra khou yo amba nga havho. Uyo we a Vhu hana ri a mu vhona, zwino kha ri dzhie hoyu munna: muñwe ramabindu o pfumaho, muswa, nahone muvhusi. Huno o tanganedza Vhurangaphanda.

²⁴⁵ Mañwalo a a ri vhudza nga ha uyu muthu, arali ni tshi ṭodou zwi ñwala, kha Vhaheberu 11:23 u swika kha 29.

...Mushe, nga lutendo, *a hana u vhidzwa murwa wa nwananyana wa Farao*;

A dinangela zwawe u tambula nga thambulo dza Mudzimu...

A dzhie ntha u nyadziwa ha Kristo hu lupfumo luhulwane u fhira lupfumo lwoṭhe lwa Egipita:...

²⁴⁶ Ni a vhona, o tanganedza Vhutshilo Vhu Sa Pheli. Mushe o dzhie ntha u—u—u nyadziwa ha Kristo hu lupfumo

luhulwane u fhira lupfumo lwothe lwe shango la vha li nalwo. Hoho Mushe o hu dzhiela n̄ha uri ndi huhulwanesa. Zwino, uyu munna o pfumaho ho ngo ita.

²⁴⁷ Huno Mushe o vha e muvhusi o pfumaho, muswa, u vha Farao. O vha e murwa wa Farao, huno o vha e mulaifa kha khulunoni. Huno o sedza kha zwi sa konadzei, tshigwada tsha vhasuki vha thophe, tshigwada tsha dziphuli. Fhedzi nga lutendo o vhona pfulufhedziso ya Mudzimu, nga Ipfi, "Uri vhatu vha hawe vha do dziilela shangoni lisili lwa miwaha ya madana mana, fhedzi vha do bviswa nga tshanda tsha maanda." Huno Izwo o zwi dzhiela n̄ha (haleluya) sa lupfumo luhulwane u fhira lupfumo lwothe lwa Egipita, ngauri o tutshela la Egipita a sa qivhi huné a khou ya hone. O vha o rangwa phanda nga Kristo. O tutshela!

²⁴⁸ Huno o vha o vhea mulenzhe wawe kha khulunoni, nahone o vha a tshi nga vha o vha—o vha Farao a tevhelaho kha la Egipita. Fhedzi o dzhiela n̄ha u nyadziwa ha Kristo. U nyadziwa! U vhidzwa uyo "o pambuwaho," u vhidzwa uyo "wa vhusweleli ho kalulaho," u dzhia fhethi hawe na vhasuki vha thophe na vha vhusweleli ho kalulaho; nge a vhona uri awara, ye Luñwalo lwa fulufhedzisa uri i do khunyelela, yo vha yo no swika tshifhingani itsho.

²⁴⁹ Huno Oo tshihhidzo, vuwani! Naa a ni vhone zwenezwo zwithihi madekwana a namusi? Awara ye ya fulufhedziswa i kha riñe. Dzhielani n̄ha u nyadziwa ha Yesu Kristo hu lupfumo luhulwane u fhira vhuñama ha tshinwe na tshinwe; arali hu khotsi na mme, tshihhidzo, tshinwe na tshinwe-vho. Tevhelani vhurangaphanda ha Muya!

²⁵⁰ Kha ri tevhele uyu Kristo lwa i si gathi, uyu Mushe, lwa tshifhinganyana, we a ita hezwo; kha ri sedze vbutshilo hawe. Tshithu tsha u thoma, musi o no tanganedza u dzhia u nyadziwa ha Kristo na u tutshela pfunzo yawe, a tutshela vhuñali hawe hothe... O vha o funzwa vhuñali hothe ha Vhaegipita. Huno u takalelwa hawe hothe, khulunoni yawe, mugo wawe, vhuñosi hawe, khare yawe, tshinwe na tshinwe tshe a vha e natsho, a tshi landula!

²⁵¹ Huno uyu muñwe muthu o zwi ḥoda, huno a hana Kristo; huno uyu munna izwo o zwi hana, huno a tanganedza Kristo. Huno nga u t̄avhanya ha bvelelani? O do tea u d̄ikhaukanya.

²⁵² Haleluya! Ipfi ilo li amba "Rendani Mudzimu washu!" Zwo vhfhesa zwauri ri khou li hangwa.

²⁵³ O landula dzikhulunoni na u takalelwa. O vha a tshi nga vha o vha na vhasidzana vhaswa vha... vhaftumakadzi vha madana, nahone o vha a tshi nga vha na migo fhasi ha Egipita, a vhusa shango! Shango lo vha lo rambalala henehfo milenzheni yawe, huno o vha e mulaifa kha tshipida tshinwe na tshinwe tshalo. Fhedzi nga u sedza Luñwaloni nahone

a tshi khou vhona duvha le a vha a tshi khou tshila khalo, huno o divha itsho Tshiñwe tshithu tshi re khae, iyo Mbeu ya Mudzimu yo tiwaho ya ya u shuma!

²⁵⁴ A thi londi uri ni nga vha wa u takalelwani, kana ni nga vha *hetshi* hani, ni nga vha mupuresbiteri, ni nga vha mufunzi, ni nga vha *hetshi*, *hetsho*, kana *tshinwe*, fhedzi arali ilo Ipfi la Vhutshilo Vhu Sa Pheli nga Ipfi la Mudzimu lo tiwa ngomu hanu, nahone ni tshi vhona itsho tshithu tshi tsini, tshi a ya u shuma, tshi tshi bvela nnnda nga u ralo. [Mukomana Branham u lidza munwe wawe lwo vhalaho—Mudz.] Thomani u bva! Thomani u Tshi wana!

²⁵⁵ Huno o hana u vhidzwa murwa wa nwananyana wa Farao, nge a dzhieila ntha u nyadziwa ha Kristo hu lupfumo luhulwane u fhira lupfumo lwothe lwa Egipita kana shango. Uho o hu dzhieila ntha Uho. Sedzani zwe a ita, o Vhu tevhela. Ntha, nga u tavhanya a pandelwa kha vhathu vha hawe, vhathu vhe vha vhuya vha mu funa.

²⁵⁶ Vhu nga di ni dzhieila tshiñwe na tshiñwe tshine na vha natsho. Vhu nga di ni dzhieila haya hanu, Vhu nga di ni dzhieila vhukonani hanu, Vhu nga di ni dzhieila tshimima tshanu tsha u-luka-na-u-runga, Vhu nga di ni dzhieila fhethu hanu kha Vhakiwani. Vhu nga di ralo. A thi divhi tshine Ha do ni dzhieila tshone, fhedzi Vhu do ni dzhieila tshiñwe na tshiñwe tshi re tsha shango kana tsho teaho shango. Ni do tea u dikhaukanya na tshiñwe na tshiñwe tshine tsha vha tsha shango. Ni do tea u zwi ita.

²⁵⁷ Mushe o vhea tshiñwe na tshiñwe dubo huno a ya phangani e na lubada tshandani tshawe. Amene! Maduvha na maduvha a fhira. Huno a todou divhesesa arali o elekanya uri o ita khakho? Hai.

²⁵⁸ Zwifhinga zwinzhi vhathu vha a thoma, huno vha ri, “Oo, ndi do zwi ita. Vhugala kha Mudzimu, ndi a Li vhona!” I ri ni munwe a ni see nahone a tambe nga inwi, “Khamusi ndo vha ndo khakha.”

²⁵⁹ O ri, “Avho vhane vha sa kone u kondelela u rwiwa ndi vhana vha u vhumbela huno a si vhana vha Mudzimu.” Ni a vhona, vha nyanyulwa nga nyanyuwo. Ni a vhona, mbeu ye nda amba nga hayo tshifhinganyana tsho fhiraho, uyo muya wo vha u siho u rangani. Wo vha wo doliswa Muya, nahone wa ita tshakha dzothe. Oo, inwi, vha... Musi muya wañu wo doliswa, ni nga... Ndi Muya Mukhethwa wa vhukuma, wa vhukumakuma, huno ni nga di vha diabolo.

²⁶⁰ “Oo,” inwi ni ri, “Mukomana Branham!”

²⁶¹ Vhaporofita vha khole-khole! Bivhili yo ri, “Maduvhani a u fhedzisela hu do vha na vhaporofita vha khole-khole.” Yesu o ri, “Hu do vuwa vhokristo vha khole-khole.” Hu si ni

“Vhoyesu vha khole-khole,” zwino, a hu na a no thetshelesa hezwo; fhedzi “vhokristo vha khole-khole.” *Kristo* zwi amba “vhađodzwa.” Vho đoliswa lwa khole-khole; vho đoliswa, fhedzi zwi re zwone ndi vha khole-khole, huno vha ita zwiga zwiħulwane na zwimangadzo, vha amba nga dzindimi, vha tshina Muyani, vha rera Mafhungo-mađifha.

²⁶² Yudasi Iskariote o zwi ita! Simoni...kana hai, ndi humbela...Kayafa o porofita! Bilāmu, muhoi! Ngoho, ho itwa zwiga zwothe, tshiñwe na tshiñwe, nyito dzothe dza vhurereli.

²⁶³ Fhedzi, ni a vhona, ni dženisa mbeu ya mupfa na mbeu ya goroi mavuni eneo mathihi huno na shululela mađi fhasi khazwo na zwi đolisa, vhuvhili hazwo zwi do takala. Vhuvhili hazwo zwi do aluwa ngao, mađi eneo mathihi. “Duvha li ḥavhela vho lugaho na vha songo lugaho, huno mvula i nela vho lugaho na vha songo lugaho, fhedzi ni do vha ḫivha nga mitshelo yavho.” Naa ni nga litsha hani u dadamala nga Ipfi? Amene. Ni a vhona zwine nda amba? “Mađi a nela vho lugaho na vha songo lugaho,” vho đoliswa.

²⁶⁴ Yesu o ri, “Vha do da kha Nne nga iļo ḫuvha, vha ri, ‘Murena! Murena! Naa a tho ngo pandela vhodiabolo? Naa a tho ngo porofita? Naa a tho ngo ita zwithu zwiħulwane nga Dzina Lau?’” U do ri, “Inwi vhadzia-vhutshinyi, tuwani kha Nne, A thi vhuyi nda ni ḫivha. Iyani vhudzulavhafu vhu sa fħeli he ha lugiselwa Diabolo na vharuňwa vhaw.” Ni a vhona? Ipfi-de nandi! Zwa khole-khole. Vha rerela liphedzi, vha tshi fungelela liphedzi. Naa ndi ngani ni tshi ita hezwo ngeno ni sa tei u zwi ita? Naa ndi ngani ni tshi dzhia tshiimela ngeno Maṭadulu o ḫala zwa vhukumakuma? Ni a vhona? A ni tei u ita hezwo.

²⁶⁵ Zwino ri wana Mushe o đoliswa, a hu na tshe tsha kona u mu humisela murahu. Vharathu vhaw vho mu furalela; izwo a two ngo mu imisa. O bvela phanda a džena sogani. Huno liniwhe ḫuvha ngei nnđa, a ḥangana na Mudzimu tshifhaṭuwo nga tshifhaṭuwo, Khavhu ya Mulilo yo nembelela tshitakani. Ha pfi, “Mushe, bvula zwienda zwau, mavu au e wa ima khao ndi Makhethwa. Ngauri Ndo pfa zwililo zwa vhathu Vhang, huno Ndo pfa u gomela havho, huno Ndi elelwa pfulufhedziso Yanga ya Ipfi. Huno Ndi khou tsa, Ndi khou yo u rumela fhasi henengei u vha bvisa.” Zwa vhukuma. O ḥangana na Mudzimu tshifhaṭuwo nga tshifhaṭuwo, a amba Nae. O vha o newa thumo nga Mudzimu.

²⁶⁶ Mudzimu u a vhuya, iyo Khavhu ya Mulilo yeneyo nthihi, huno a khwaṭhisidza uyo muporofita o ima henehangei nthiha ha thavha; u sumbedza uri yo vha i yone, musi A tshi dzhia zwanda zwawe huno a ita tshakha dzothe dza mađembe na zwithu. Oo, vho vha vhe na vhadzia-u-edzisela. Oo, ngoho. Ho vha hu na Yamburesi na Yannesi, vho ima heneħfho u mona

hothe, vha ita zwenezwo zwithihi zwe vha ita. Fhedzi ndi nnyi we a vha e wa vhubvo? Ni a vhona? Naa two thomafhi? Naa two bva kha Ipfi? Naa yo vha i awara?

²⁶⁷ Huno ni a divha uri izwo zwenezwo zwithihi two fulufhedziswa hafhu mađuvhani a u fhedzisela? "Vhunga Yamburesi na Yannesi vho pikisa Mushe, na avha vhanna vha do ralo, vha thalukanyo yo tshinalaho malugana na Ngoho." Ni a vhona, mađuvhani a u fhedzisela. Huno vha ita zwenezwo zwithihi, (vha edzisela tshiñwe na tshiñwe), heneffo tshitumbani tshenetsho tshithihi, "Nguluvhe i tshi ya thopheni yayo, na mmbwa mañanzani ayo."

²⁶⁸ Inwi Vhapentekostała vhe na bva kha ayo madzangano miñwaha yo fhiraho huno na a sema, vhokhotsi na vhommé anu; huno na rembulutshela murahu na ita zwenezwo zwithihi zwe vha ita, huno zwino i tou vha thophe yeneyo nthihi na mañanza. Ni a vhona? Arali two ita uri Tshivhidzo tshi zwi tanze kha tshikhathi tsha u ranga tsha Pentekoste, zwi do Tshi ita uri tshi zwi tanze hafhu ñamusi. Ni a vhona? Zwi tea u ralo, nangwe, ndi ganda, li tea u da. Malelevudzi a nga si vhe one fhedzi; ganda li tea u da, ni a vhona, tshihwali. Zwino ri khou tshila mađuvhani *a u fhedzisela*, sedzani zwithu two fulufhedziswaho ino awara.

²⁶⁹ Sedzani uyu Mushe o khwañhisedzwaho. Divhani! Musi a tshi bva heneffo, vhañwe vha vharathu vhawé vho mu furalela, vha ñoda u vhumba dzangano. Vha ri, "Ni ñifara vhunga ndi inwi munna mukhethwa ni nothe vhukati hashu." "Tshivhidzo tshothe ndi tshikhethwa," Kora a ralo, Dathani. "Kha ri nange vhanna huno ri ite tshiñwe tshithu."

²⁷⁰ Mushe, a...ndo mu pfela vhutungu. A tsela phasi, a ri, "Murena..." A gwadama phanda ha aliñari huno a ri, "Murena!"

²⁷¹ Mudzimu a ri, "Dikhaukanye navho. Zwo no nndina." A sokou vula liphasi huno a vha mila. Ndi zwenezwo fhedzi. Ni a vhona, o ñivha thumo yawe.

²⁷² Mudzimu ha shumi nga madzangano, Ha shumi nga zwigwada. U shuma nga vhatu nga muthihi-muthihi. Izwo ndi zwone. Tshifhinga tshothe. Hu si ni nga zwigwada; vhatu nga muthihi-muthihi, muthu muthihi. Mađuvhani a u fhedzisela, O ri, "Ndo ima munangoni huno ndi a ombla-ombla, huno arali muñwe muthu..." (hu si ni "tshiñwe tshigwada") "...muñwe muthu a tshi do pfa Ipfi Langa, Ndi do...huno a Mpfa, Ndi do da ngomu hawé nda laléla." Ni a vhona, "Arali muñwe muthu a tshi nga pfa."

²⁷³ Zwi nga da hani—zwi nga da hani uri iyi khudzaipfi zwino i bveledze ipfi langa ngei nndá nndani ha musi yo itwa nga u ralo? Ndi nga zhamba phanda ha iyo bodo, nga maanda anga othe, huno zwi nga si ite tshithu. Ngauri iyi yo tiwa, nahone ya itwa, ya sikiwa, i khudzaipfi. Huno arali Ipfi la Mudzimu li

kha inwi zwi tshi bva kha u tiwa nga Mudzimu, ngomu hanu, "Nngu Dzanga dzi pfa Ipfi Łanga. Dzi divha awara Yang. Mutsinda a dzi nga mu tevheli." Ni a vhona? Hu tea u vha hezwo u thoma. "Vhothe vhe Khotsi a Nnea, vha do da." Muńwe na muńwe wavho, ni a vhona.

²⁷⁴ Zwino u bvela phanda, magumoni a vhutshilo hafha. O fhira fhedzi... Dzhielani nzhele musi a tshi da magumoni a ndila.

²⁷⁵ Huno ri khou vala zwino ngauri tshifhinga tshi khou ḥuwa, miniti ya fumbilińhanu u swika kha ya fumi. Dzhielani nzhele. Zwino, hayani itsho tshi kha di vha nga u tāvhanya. Musi i tshi ḥodou rwa awara ya vhuvhili kana ya vhuraru n̄tha ha tshithoma ri thoma u ri, "Kha ri ri, tshifhinga tshi khou ḥuwa zwiętukunyana." Ni a vhona? Ni a vhona? Fhedzi zwino, ndo no rera vhusiku vhunzhi, vhusiku hothe.

²⁷⁶ Paulo o rera enea Mafhungo-madifha mathihi duvhani lawe, huno muńhannga a wa kha lu—luvhondo huno a divhulaha. Huno Paulo, nga yeneyo n̄dodzo nthihi, nga ayo Mafhungo-madifha mathihi, a shuvhama nga muvhili wawe khae, a dovha a tshila. Vho vha vha tshi zwi takalela. Tshivhidzo tsho vha tshi tshi khou vhumbiwa. Tshińwe tshithu tsho vha tshi tshi khou itea. Dzhielani nzhele zwe zwa itea hafha.

²⁷⁷ Mushe, musi a tshi tsela fhasi...

²⁷⁸ Mupfumi uyu, musi a tshi tsela fhasi, kana, muvhusi muswa we ra amba nga hae, a rerelaho tshothe, nahone wa tshivhidzo na tshińwe na tshińwe, wavhuđi, o funzeaho, ramabindu wavhuđi, na tshińwe na tshińwe, musi a tshi da magumoni a ndila, u thoma u zhamba, "A hu na hune hu nga kandwa hone!" Naa vhurangaphanda hawe vhu ngafhi? O vha o rangwa phanda nga shango lo faho, huno ho vha hu si na tshithu tshe a vha a tshi nga kanda ngomu hatsho nga nn̄da ha zwe shango ja dilugisela hone: vhudzulavhafu.

²⁷⁹ Fhedzi Mushe ngoyu u a da, mulanda a fulufhedzeaho we a dzhiela n̄tha u nyadziwa ha Kristo hu lupfumo luhulwane u fhira lupfumo Iwothe lwa Egipita. U da magumoni a ndila, mukalaha, e na mińwaha ya ḥana na mahumi mavhili. A gonya thavha, huno o zwi divha zwauri lufu lu phanda hawe, huno a sedza nga hangei kha shango lo fulufhedziswaho. Huno a sedza; o edelaho heneffo thungo yawe, heneffo ho vha hu na Murangaphanda wawe, Tombo. A kanda n̄tha ha Tombo, huno Vharuniwa vha Mudzimu vha mu hwala vha mu isa ngomu ha Vhugala—Vhugala ha Mudzimu, marumbini a Mudzimu. Mulandu? Nga murahu ha mińwaha ya mađana maćanu na mararu, o vha a tshi kha di rangwa phanda nga Murangaphanda wawe.

²⁸⁰ Ri mu wana hangei kha Thavha ya Phenyiso, o ima heneffhała na Eliya, a tshi khou amba na Yesu A sa athu ya

tshifhambanoni, miñwaha ya mađana mađanu na mararu nga murahu ha lufu. U—Uyo we a mu dzhiela n̄tha, u nyadziwa ha mushumo wawe, lupfumo luhulwane u fhira u takalelwa hothe ha shango na tshelede yothe ya shango, Murangaphanda wawe o vha a tshi kha di mu ranga phanda. Yawee, nnenpe! O rangwa phanda! Murangaphanda wawe, O ranga phanda u phuletshedza lufu, mirunzi ya lufu. O rangwa phanda u ya tshaloni. Nga murahu ha miñwaha ya mađana, ngoyo o ima hafhu ngauri, vhuswani hawe, o vha o nanga vhurangaphanda ha Muya Mukhethwa. Dzina lawe li do vha luhulwane musi hu si tshe na Egipita kana lupfumo. Musi phiramidi dzi buse, na musi Egipita li si tsha vha Egipita, Mushe u do vha a sa fi vhukati ha vhathu nge a ḥanganedza vhurangaphanda ha Kristo vhudzuloni ha u tshimbila nga ndila ye tshivhidzo tshawe tsha tshimbila ngayo.

²⁸¹ Hu na vhañwe vhe vha ita zwenezwo zwithihi. Sedzani Enokho. O tshimbila na Mudzimu lwa miñwaha ya mađana mađanu, huno zwenezwo a vha na vhuñanzi ha uri “O takadza Mudzimu.” Mudzimu o zwi ḥanzilela, huno a ri, “A hu na thodea ya uri iwe u fe, itou da n̄tha Hayani masiari ano.” Huno a gonya.

²⁸² Na Eliya. Nga murahu ha u hambekanya vhasadzi vho fhungudzelwaho mavhudzi na tshiñwe na tshiñwe, sa zwe a ita ḫuvhani lawe, Vhojesebele vhe na pennde khavho, nga murahu ha musi yo no mu dina, huno—huno o no ita zwe the zwe a kona, na avho vhotshifhe vhothe vha tshi khou tamba ngae, na tshiñwe na tshiñwe-vho, a tsela mulamboni liñwe ḫuvha. Huno seli ha mulambo bere dzo vha dzo hungiwa tshiñakan hafhaña, goloi ya mulilo na bere dza mulilo. A kanda henehfo n̄tha, huno a posela nguvho yawe kha muporofita a tevhelaho a no do mu tevhela, huno a gonya Tađulu. O ḥanganedza vhurangaphanda ha Vhutshilo Vhu Sa Fheli, nge ha vha hu Kristo we a vha e kha Eliya. Oo! Ee, muñe wanga!

²⁸³ Naa ho vha hu mini? “Ntevheleni!” Zwino ni fanela u nanga murangaphanda *wanu*. Ni tea u mu nanga, dzikhonani. Sedzani tshivhonini tsha Mudzimu, Bivhili, huno ni vhone hune na vha hone madekwana a ñamusi.

²⁸⁴ Nganea ḫukhu. Nwana muñuku, nga tshiñwe tshifhinga, o vha a tshi dzula ngei nn̄da mahayani. O vha a sa athu vhona tshivhoni na kathihi, huno a dzhena doroboni u vhona mukomana wa mme awe. Huno o vha e na haya... huno mahaya a tshikaleni o vha a tshi anzela u vha na tshivhoni kha vothi; a thi divhi uri kana hezwo ni a zwi elelwa kana hai. Fhedzi uyu mutukanyana, o vha a sa athu vhona tshivhoni na kathihi. Ngauralo o vha a tshi khou tamba u mona na nn̄du, huno a sedza kha... “Huh?” A sedza uyo mutukanyana. Huno a ḥataisa, na mutukanyana a ḥataisa. Huno a kokodza

n̄devhe yawe, na mutukanyana a kokodza n̄devhe yawe. Huno zwa bvela phan̄a nga u ralo. A dzulela u da, tsini, huno a rembuluwa nahone a ri, "Mma! Uyo ndi nne!" Uyo ndi nne.

²⁸⁵ Naa *inwi* ni vhonala ni tshi nga mini? Naa *inwi* ni khou tevhelani? Naa ro itani? Ni fanela u nanga *murangaphan̄a* wañu. Nangani ñamusi. Ni nanga Vhutshilo kana lufu. Munango wañu u ño wana vhuyo hanu ha U Ya Nga Hu Sa Fheli, tshire na nanga. Elelwani, Yesu o ri, "Ntevheleni." Huno ni khou rambiwa madekwana a ñamusi u ita nga u ralo. Huno u Mu tevhela u ya kha Vhutshilo Vhu Sa Fheli ni fanela u da nga mavhangā Awe, izwo ndi zwone, Ipfi. Hu si ni nga ndaela, hu si ni nga muhumbulo wa tshitshavha, hu si ni nga zwine nnyi na nnyi-vho a elekanya nga Halo, fhedzi nga zwe Mudzimu a amba nga Halo.

²⁸⁶ Inwi ni ri, "Zwo luga, Mukomana Branham, ndi ñivha musadzi o lugaho u ya nga hune a kona, u ita *hetshi*. Ndi ñivha munna o fhiraho kha *hetshi*."

²⁸⁷ Ndi nga si thuse zwe vha ita. Ipfi la Mudzimu, O ri, "Ipfi liñwe na liñwe la muthu nga li vhe mazwifhi, huno Langa li vhe Ngoho." Ni tea u da nga mavhangā Awe, u da nga milayo Yawe, Ipfi. Ni nga si ñe nga ndaela. Ni nga si ñe nga dinomineisheni. Ni nga si Li vanganye nga u ralo. Hu na tshithu tshithihi fhedzi tshire ni nga ita: Li ñanganedzeni nga mavhangā Awe, uri ni funa u fela inwi muñe na mihibumbulo yanu yothe, na Mu tevhela. "Lañani zwithu zwe ñe zwa shango, huno ni Ntevhele."

²⁸⁸ Ndi a ñivha uri uyo ndi Mulaedza u kondaho, u tsheaho, mukomana. Fhedzi a tho ngo ña fhano huno nda nanga mu—mulaedza u yaho vhathuni u lingedza fhedzi u vha ita uri vha imbe, vha ñavhe mukosi, vha huwelele. Ndo vhuya nda vha miñanganoni ya vhahedeni he vha ita zwenezwo zwithihi. Ndi takalela vhutshilo hanu. Ndi mulanda wa Mudzimu a no tea u fhindula kha Mudzimu liñwe ñuvha, huno mushumo we Murena a nñea wo ñikhwathisedza kazwigidi phan̄a hanu.

²⁸⁹ Elelwani, Yesu o ri, "Ntevheleni. Ntevheleni. Lañani zwine na vha nazwo, huno ni Ntevhele." Huno iyo ndi yone ndila i yothe ya u vha na Vhutshilo Vhu Sa Fheli. Ilo ndi ñone dzilafho li ñothe le A li ñea uyu munna, lo vha dzilafho li ñothe line A li ñea nnyi na nnyi. Munango Wawe, A tshi dzhia tsheo Yawe, yo fhelela tshifhingga tshiñwe na tshiñwe. Huno ri fanela u Mu tevhela, iyo ndi yone ndila i yothe ya u vha na Vhutshilo Vhu Sa Fheli. Ngauralo vhurangaphan̄a ha Mudzimu ndi: tevhelani Ipfi la awara lo khwañisedzwaho nga Muya Mukhethwa.

Kha ri kotamise zwifhañuwo zwashu:

²⁹⁰ Ndi khou yo ni vhudzisa mbudziso, nahone ndi ñoda ni tshi fulufhedzea vhukuma. Ndi ñoda khaladzi a tshi nndidzela

holu, *Ndi Pfa Mutshidzi Wanga A Tshi Vhidza*. Ndi a ñivha zwauri ndi mbidzo ya aliñari ya tshikaleni. Huno mukomana, khaladzi, vhunga ri tshi vthona, itonu sedza zwine zwa khou bvelela namusi. Zwino zwifhañuwo zwañu zwo kotama, itonu elekanya lwa tshifhinganyana, sedzani zwi no khou itea.

²⁹¹ Naa no vhala gurannya vhege yo fhiraho zwe uña munna kha la England a amba? Zwauri "U vhambiwa ha Yesu Kristo ho vha hu vhufhura fhedzi, ho vha ho dzudzanywa fhedzi vhukati ha Pilato na Ene."

²⁹² Naa no vthona zwe uyu mudivhi wa theolodzhi wa Muamerika a amba? O amba zwauri "Yesu o tou eqedzwa nga tshene ya mandiraka." Vhunzhi hanu vhañivhi vha theolodzhi ni a ñivha, ngei murahu kha Genesi he ya amba nga ha tshene ya mandiraka. I do ni eqedza na nga no fa, mibilu yañu i ñodou sa divhitha lwa mađuvha mavhili kana mararu nga tshifhinga. "Huno musi vha tshi Mu nea viniga na tshavhuñungu," vha ri, "iyo yo vha i tshene ya mandiraka. Huno vha Mu vhea ngei livhiñani, huno A edela henengei lwa mađuvha mararu. Huno, a hu na zwiñwe, musi vha tshi gonya henengei, vha Mu wana a tshi khou tshimbila u mona hoñthe." Naa izwo ni nga zwi humbulela? Vhañivhi vha theolodzhi, dziseminarí, u hoyá. Zwenezwo zwi ña hani shangoni... Tsha u thoma, Bivhili yo ri O zwi hana, musi vha tshi shela viniga na tshavhuñungu mulomoni Wawe.

²⁹³ Huno tshinwe tshithu, arali izwo zwo ralo, zwenezwo ndi ngani avho vhafunziwa "vho daho huno vha Mu tswa," ndi ngani vho nekedza vhutshilo havho nga vhufelalutendo vha tshi itela Ene? Huno vha wa, vha ñidzhia vha songo vhuya vha tea u fa vhunga Ene o fa; vha vha ganamisa nahone vha vha rambaladza kha zwifhambano na zwithu. Huno arali vho vha... vho ñivha uri O vha e muhoi nahone vhone vhañe vhe vhahoi, naa vho vha tshi do vha vho nekedza hani vhutshilo havho nga u ralo vha tshi itela Ene?

²⁹⁴ Oo, ni a vthona, ndi heli duvha la vhutali line ra khou tshila khañ. Pfunzo, vhutshilotshedza, na ndowelo ya musalauno ya lino duvha, zwe ñothe ndi zwa Diabolo. "Vhutshilotshedza ha Diabolo?" Ee, muñe wanga! Bivhili yo ri ndi hone. Hovhu vhutshilotshedza vhu na lufu. "Naa ri do vha na vhutshilotshedza ho ralihó kha liñwe shango?" Hai, muñe wanga! Ri do vha na lushaka lwo fhambanaho lwa vhutshilotshedza. Pfunzo, zwithu hezwi zwe ñothe, ndi zwa Diabolo; saintsí i tshi khou shanda zwithu zwa mupo, i tshi khou ita tshinwe tshithu-vho.

²⁹⁵ Sedzani zwe vha ni ita zwone zwino. Musi vhabumakadzi vhaswa... *Reader's Digest* yo amba, vhege nga murahu... ñwedzi wa phanda ha wo fhiraho, ndi a tenda uri wo vha u wone. *Reader's Digest* yo amba zwauri "Vhañannga na vhasadzi vhaswa vha fhirah kha vhukale ha vhukati, vhasadzi

vha si tshe na maṭambo vhukati ha miñwaha ya fumbili na fumbiliñthanu.” Murafho muthihi u engedzeaho, vha do vha vha si tshithu nga nn̄da ha . . . U do vthonala wo vhifha. Ni a vhona? Zwine zwivhumbwa zwa do vha zwone, zwi zwitete, zwi na tshika. Sedzani kha—sedzani kha maya, sedzani nga ndilā ine maya tshivhidzoni wa vha ngayo, wo ḥanganyiswa, wo malana na shango. Oo, ndi awara-de nandi! Shavhani, vhana! Shavhani! Shavelani kha Tshifhambano! Idāni kha Kristo, i ri ni A ni range phanda.

²⁹⁶ Musi ri tshee ro kotamisa zwifhaṭuwo zwashu, maṭo ashu o valiwa, huno nga khumbelo kotamisani mbilu yañu, nga tshifhinga tshenetshi tshithihi. Ni do ita? Ndi todou ni vhudzisa mbudziso. Naa zwa vhukuma ni a qisedza, kha Mudzimu? Huno ni a pfa uri a niho hune na—na tea u vha hone nga ino awara? Ngauri U Takulelwa Ṭadulu hu nga di da tshifhinga tshiñwe na tshiñwe. Ni a vhona, hu do da.

²⁹⁷ Hu do vha fhedzi, arali—arali tshiila tshitatamennde tshe nda tshi ita tshifhinganyana tsho fhiraho tshi ngoho, hu do vha fhedzi vhathu vha no todou swika madana maṭanu kha U Takulelwa Ṭadulu, vha no khou tshila, vha do shandukiswa. Mulandu, ri tshi dzhia Vhukriste hothe, ha Katolika na zweþhe, hu na vhathu vha milioni dla madana maṭanu fhedzi, ni a vhona, vhu a diamba Vhukriste. Huno muthihi kha vha milioni, hu vha vhathu vha madana maṭanu. Hu na vhathu vhangafho vha sa vhonali duvha liñwe na liñwe, shangoni loþhe, vhane ri nga si vhuye ra diþha tshithu nga havho. Ni a vhona, hu do da, huno a ni nga vhuyi na zwi diþha. Vhathu vha do bvela phanda nu a rera, nahone vha tshi ri . . . Ni a vhona, huno hoþhe hu do vha ho no fhira.

²⁹⁸ Vhunga Yesu o amba. Vha ri, vhafunziwa vha ri, “Ndi ngani vha mañwalo vha tshi ri, hu pfi, ‘Eliasi u fanela u rang u da?’?”

²⁹⁹ A ri, “O no di da huno a no ngo mu diþha, fhedzi vho mu ita zwe vha ri vha do ita.”

³⁰⁰ Inwi ni a diþha zwauri a no ngo luga kha Mudzimu, huno ni todou humbulwa . . . kha Mudzimu, uri Mudzimu a lugise mbilu yañu na Mudzimu. Naa nga u diþukufhadza zwino inwi, nga tshikhathi itsi tsho dzikaho nga maanda, ni nga imisa zwanda zwanu? A thi londi uri ni nnyi, naa ni do zwi ita? Inwi ni ri, “Ndi do imisela zwanda zwanga kha Mudzimu.” Mudzimu a ni fhaþutshedze. Mudzimu a ni fhaþutshedze.

³⁰¹ Naa ni khou sedza Tshivhonini? Ndi a ni vhudzisa Dzinani la Kristo, naa ni khou sedza Tshivhonini tsha Mudzimu? [Mukomana u amba nga luñwe luambo. Mukomana u nea thalutshedzo—Mudz.] Amene.

³⁰² Ndi todou vhudzisa tshithu tshithihi. Naa ndi vhangana ngomu hafha vha re Vhapentekostaña? Imisani tshanda tshanu,

ni re Vhapentekostała. Zwavhudivhuđi ndi muńwe na muńwe wańu. Zwino, naa ndi vhangana ngomu hafha vhane vha ri vha Vhakriste? Imisani zwanda zwańu, hothe hune na vha hone, ni no diamba uri ni Mukriste. Naa no zwi ḋivha zwauri Bivhili yo zwi amba hezwi, uri hezwi zwi ḋo bvelela?

³⁰³ Nahone hezwi zwe bvelela kha Testamente Ndala musi vho mangala uri vha ḋo itani, uri vha ḋo ponya hani u govhelwa he ha vha hu tshi khou ḋa. Muya wa tevhutshela kha munna huno a porofita a vha vhudza hune vha ḋo ḡanganana na swina, na uri hani, hu ḋo kundwani kha swina. Iyo yo vha i Testamente Ndala, i fanaho na Ntswa.

³⁰⁴ Zwino, muńwe muthu a nga ḋi ri, "Uyo munna, oo, zwe vha zwi songo ralo." Fhedzi mini-ha arali zwe ralo? Inwi ni ri, "Oo, izwo ndo no zwi pfa." Fhedzi mini-ha arali *izwi* zwe ralo? Ni a vhona, izwo zwi sumbedza-ha uri ngomu hafha hu na vhanzhi vha no ḡoda tshanduko ya mbilu, arali uyo u Muya Mukhethwa u no khou amba. Hu na zwithu zwi no tea u itwa, ngauralo zwino zwi kha inwi.

Ndo tou rali, ndi si na ndugelo,
Fhedzi uri Malofha Au o shululelwa nne,
Na uri Iwe u vhidza . . .

Izwo ndi zwe, A ni vhidza tshifhingani itscho.

. . . kha Iwe,
Oo Ngwana ya Mudzimu, . . .

"Ndi ḋo bvisa iyo mbilu ya swili, huno nda dzhenisa mbilu ya ḡama khayo, ine ya ḋo ḡinekedza kha Nne." Ni a vhona?

. . . a ḋa!
Ndo tou rali, Iwe u ḋo ḡanganedza,
U ḋo . . .

Naa ni ḋo ita munango wańu madekwana a ḡamusi? Ni nga ita tshinwe tshazwo tshire na ḡoda.

. . . ḡanzwa.

Inwi ni ri, "Hezwo ndo no zwi pfa." Fhedzi itshi tshi nga ḋi vha tshifhinga tshańu tsha u *fhedza* u Li pfa.

Ngauri ndi a tenda pfulufhedziso Yau,

Mbidzo dza alitari dza tshikalen, a dzi tsheeho kha tshitaela ḡamusi, fhedzi Mudzimu u kha ḋi shuma ngadzo. Naa a ni pfi A tshi shuma kha inwi, tshivhidzo?

. . . ndi a ḋa!

³⁰⁵ [Mukomana Branham u thoma u ḡuńuna *Ndo Tou Rali—Mudz.*] Oo, elekanyani, ḡamusi, mbilu dzi khou vha matombo, dzo dala shango, dzi sa pfesesi, mirađo ya tshivhidzo, i dudelaho, vhunga ułā muvhusi o pfumaho, muswa; huno a dzi ḋivhi zwauri Muya Mukhethwa muhulwane

wo ima, u khou ombo-omba vothini kha tshino Tshikhathi tsha Laodikea. “Ane a do pfa Ipfi Langa (Ipfi), a vula mbilu yawe, Ndi do dzhena khae huno nda lalela nae.”

³⁰⁶ Huno Muya u tshi khou amba nga uyu mukomana miniti i si gathi yo fhiraho, wa ri, “Ndi do bvisa iyo mbilu ya tombo kha inwi, huno nda ni nea mbilu ya ɻama, i re na vhulenda kha Mudzimu.” Sedzani ur̄i yo no vha hani zwino, i tou vha ya—ya vhułali, nyanyuwo. Ni a vhona? Hu si ni mbilu ya vhulenda yo ɻalaño lufuno na u ɻifha kha Kristo.

³⁰⁷ [Mukomana Branham u thoma u ɻuñuna khorasi—Mudz.] Naa a ni ɻodi ulwo lushaka lwa mbilu? Naa ni khou yo livhana hani na Kristo nga muhumbulo wa vhułali nga Hae? Ni tea u ɻanganedza Vhutshilo Vhu Sa Fheli.

... o shululelwa...

Ndugiselo yo itwa nga Malofha.

Huno Iwe u a vhidza...

Naa O itani? O shulula Malofha Awe. Huno zwino u a ni vhidza, “Ida.”

...kha Iwe,

Oo Ngwana ya Mudzimu, ndi a da! Ndi a da!

³⁰⁸ Rine, Mukriste muñwe na muñwe, kha ri tou imisa zwanda zwashu ro dzika zwino huno ri rabele.

³⁰⁹ Oo Mudzimu, ndi a humbela, Murena, fara ili duvha line ra khou tshila khalo. Oo, zwi a kond̄a nga maanda, Khotsi. Sathane o ita zwinzhi nga maanda vhathuni. Mbilu dzavho dzo no vha matombo. Muya Wau u amba zwavhuđi; Ipfi Lau li da phanda, li a khwathisedza; fhedzi tshenzhemo ya tshikaleni, ya u bebwa hafhu, vha a...yo no vha muhumbulo wa dinomineisheni, wa vhułali, muzika munzhi, u ɻativa mukosi hunzhi, na u bvela phanda hunzhi. Fhedzi, zwa vhukuma, iyo mbilu ya ɻama, uyo Muya, uvho Vhutshilo Vhu Sa Fheli, zwa vhukuma Ho no vha husili kha tshivhidzo.

³¹⁰ Mudzimu, zwi vunda mbilu yanga, huno nne ndi mu—muitazwivhi o tshidzwaho nga tshilidzi Tshau. Zwi nnyita uri ndi pfe vhutungu nga maanda, Khotsi, u vhona tshivhidzo tshe Wa tshi fela, tshivhidzo tshire Wa khou lingedza u tshi rengulula. Ndi elekanya nga ha bono line Wa kha di bva u li ɻea malugana na tshivhidzo tsha United States na la mañwe mashango. Ho vha hu mudantsi-de nandi a dibvulaho a vhonalaho a tshi shavhiswa wa roko-na-rolo. Fhedzi huñwe fhethu nda vhona hu tshi bvelela tshiñwe, tsho fhañutshedzwa.

³¹¹ Ndi a rabela, Khotsi, uri arali muñwe wa avho vha re fhano madekwana a ɻamusi vho telwaho Vhutshiloni, kana vha tshi ɻodou Vhu ɻanganedza, uri iyi i do vha awara ine vha do zwi ita. Zwi tendele, Murena. Kwasha mbilu ya tombo zwino, mbilu ya kale ya shango. Huno arali vha tshi ɻoda mulalo,

vha ṭoda tshiñwe tshithu tshine tsha fusha, tshiñwe tshithu tshi neaho vhūtanzi ho khwāthaho, ngavhe vha tshi ṭanganedza vhurangaphanda ha Kristo madekwana a ḥamusi u vha ranga phanda kha mu—Mulalo u fhiraho pfectesyo yothe, Dakalo li sa ambei nahone ḥo ḫala vhugala, kana na tshiñwe tshithu tshine lufu lwone luñe lu nga si tshi vhaise. Zwi tendele, Khotsi.

³¹² Zwino, zwanda zwashu zwi n̄tha, ndi a mangala arali . . . Ndi vhangana tshifhañtoni zwino vha no do tou ri, “Ndi khou yo ima.” Zwino, a thi londi uri ndi nnyi o dzulaho tsini hañu; Ndi Mudzimu a no khou amba na inwi. Huno zwa vhukuma ni ḥodou vha Mukriste wa vhukuma. Ni a vhona? Tshiñwe na tshiñwe tshi do . . . Nn̄dani ha musi uho hu nyedziselo; oo, ndi nga tou ḥamba nda bva huno nda vha shangoni. Ndi tenda uri no vha ni tshi do ralo, na inwi-vho.

³¹³ Zwino, itonu ḫitola nga Ipfi, nga Mulaedza. Tolani zwine Mukriste wa vhukuma a tea u vha zwone: o khwāthisaho, a funaho, hu si ni muñwe wa uvhu Vhukriste ha müsalauno. Mulandu, ndi vhutete, vhu a tepe-tepa, ho fa lwa hafu, ho sina, ho vangiwa. Ni a vhona, a si Vhukriste ha vhukuma; na tshila nga ndila ya lushaka luniwe na luniwe, nahone na vha wa tshivhidzo. Naa a ni ḥodi uvho vhūtama vhu difhaho na Kristo, Muya Mukhethwa, uri ni . . . u andana ha mbilu yanu na Ipfi, na dzhena henehfa kha Kristo? Arali ni tshi ḥoda hezwo, nahone ni tshi do tama Mudzimu a tshi vhona vhuimo hañu madekwana a ḥamusi henehfa tshigwadani itshi tsha vhathu, arali fhedzi ni tshi do zwi ita.

³¹⁴ Inwi ni ri, “Naa izwo zwi do amba tshiñwe tshithu, Mukomana Branham?”

³¹⁵ Oo, ee. Ngoho, zwi ralo. “Arali ni tshi Ntshona phanda ha vhathu, Ndi do ni shona phanda ha Khotsi Anga na Vharuñwa vhakhethwa. Fhedzi uyo ane a do Nnyamba nahone a Nnyimela shangoni lino, Ndi do mu imela kha lila Shango. Ndi do mu amba phanda ha Khotsi Anga.”

³¹⁶ Zwino, a hu londwi uri ni nnyi, musadzi, munna, mutukana, musidzana, muñwe na muñwe ane na vha ene, Mukriste kana ni si Mukriste, mushumeli, mudikoni, tshiñwe na tshiñwe tshine na vha tshone, arali ni tshi nga tou tenda nga mbilu yanu yothe, lwa tshifhinganyana fhedzi, huno na ita hezwi zwingafha madekwana a ḥamusi hu u tou itela uri Mudzimu a ḫivhe uri ni a fulufhedzea. “Mudzimu . . .”

³¹⁷ “Zwino sedzani, ndi Mupertekostaña,” inwi ni ralo. “Ndi hetshi,” kana tshiñwe na tshiñwe tshine na vha tshone. “Ndi a diamba zwi khagala zwauri ndi a tshina Muyani. Fhedzi, Mukomana Branham, ndo elekanya uri musi ro vha ri na hezwo, ro vha ri Nawo.” A ni na.

³¹⁸ Arali ni tshi tenda zwauri ndi muporofita wa Mudzimu, inwi thetshellesani Maipfi anga. Ni a vhona? Uvho ndi

vhufhura ha lino duvha. Naa Bivhili a yo ngo ri, “I do vha tsini na tsini lune ya do fhura Vhanangiwa arali zwi tshi konadzea”? Vho *Nangiwaho*, “fhasi u swika muyani.”

³¹⁹ Fhedzi arali no tshina Muyani, ni tshi kha di vha na zwithu zwa shango, hu na tshiñwe tshithu tsho khakheaho. Arali ni tshi amba nga dzindimi; Paulo o ri, “Ndi nga amba nga dzindimi dza vhathu na dza vharuñwa, huno nda di vha ame a sa do vhuya a tshidzwa.” Uh-huh, tshakha dzothe vhuvhili hadzo, ni a vhona. “Ndi nga ita nyanyuwo dzothe, ndi nga vha na lutendo, ndi nga rera Mafhungo-madifha, ndi nga nea thundu dzanga dzothe u kanzwa vhashai, ndi nga hwala Ipfi masimuni a vhurumiwa u budekanya... huno ndi kha di vha a si tshithu.” Ni a vhona? Ndî uvho Vhungomu ha vhungomu, mukomana. Uri... Muya wañu u a kwashekana musi ni tshi fa, u a fhufha, fhedzi myua wañu u a tshila. Ni a vhona?

³²⁰ Zwino qisedzeni. Zwa vhukuma, naa ni Mukriste wa vhukumakuma wa Bivhili, o ñalaho lufuno lwa Mudzimu? Ni a elelwa, Bivhili yo ri, maðuvhani a u fhedzisela musi itshi tshifhinga tshi tshi itea, O ri, “Mururiwa a swayaho o fhira kha zwivhidzo, a ya a fhira dzidoroboni, huno a swaya *fhedzi* avho vho femedikaho nahone vha lilela vhutudzi he ha itwa doroboni.” Naa izwo ndi zwone? Hesekiele 9, ri a ñivha uri izwo ndi Ngoho. Mururiwa wa u swaya o ya huno a vhea Luswayo kha ñohoho dzavho, phanda, a vha swaya, “Avho vhe vha femedika nahone vha lila.”

³²¹ Nga murahu ha hezwo ha da vharuñwa vha thavhaho vha tshi bva khuñani ñña dza liphasi, ine ya khou ña hu si na u lenga, ri i vhona i tshi khou ña, nndwa dzi tshi dzhena dzine dza do vhulaha liphasi ñøthe. Ho vha hu si na tshithu tshe dza vha dzi si nga tshi kwami nga nnđa ha avho vhe vha vha na Luswayo.

³²² Zwino dzhiani... Naa mbilu yañu i pfela vhaftazwivhi vhuñgungu, na ndila ine tshivhidzo na vhatu zwa khou ita, u swika ni tshi nga femedika na lila nga hazwo masiari na vhusiku? Arali zwi songo ralo, ndi a mangala. Ulwo ndi Luñwalo.

³²³ Naa ni nga ima na ri, “Mudzimu a funwaho, a thi khou ima ngauri Mukomana Branham o ralo, fhedzi ndo pfa Ipfi lawe li tshi amba hezwo, huno ndi khou yo ita hezwi. Kha Iwe, Murena, ndi a ima. Ndi na ñhodea, Murena. Naa U do qisedza thodea yanga madekwana a ñamusi phano afha fhethu? Ndi a ima.” Mudzimu a ni fhatutshedze. Mudzimu a ni fhatutshedze. “Ndi na ñhodea, ndi ñoda U tshi nkhatutshela.” Mudzimu a ni fhatutshedze. “Ndi ñodou vha lushaka lwa Mukriste ane...”

³²⁴ Zwino, elelwani, muthu o imaho tsini hañu u zwenezwo zwithihi zwine na vha zwone. Ndi ñoda ni tshi hovhelela huno na fara tshanda tshavho, na ri, “Mukomana, khaladzi,

nthabeleleni zwino. Ndi ṭoda ni tshi nthabelela. Ndi—ndi...” Itonu zwi amba nga vhūfulufhedzei hothe ha Tshikriste, “Nthabeleleni. Ndi do...ndi—ndi—ndi ṭodou luga kha Mudzimu. Inwi nthabeleleni, ndi khou yo rabela uri Mudzimu a ni nee tshifhinga.”

³²⁵ Ndi—ndi a divha zwauri ri... Ri nga si dzule fhano lwa tshifhinga tshilapfu; hezwo ni a zwi vhona. Ri—ri kha tshifhinga tsha vhufhelo. Vhothe vha no zwi tenda hezwo, i ri ni, “Amene.” [Tshivhidzo tshi ri, “Amene!”—Mudz.] Ri...A hu na tsho salaho. Tshiñwe na tshiñwe tsho fhela. Zwivhidzo zwi khou ya kha khoro ya Tshikriste Ya U Vhuedzanya. Shango, li... .

³²⁶ Vhonani hafha! Naa ni a divha zwine Murena a amba malugana na Los Angeles na afha fhethu fhano? “Yo fhela!” Inwi ni a elelwa zwe nda ni vhudza, miñwaha i no ṭodou swika mivhili yo fhiraho, uri mudzinginyo u do da haní kha la Canada hafha n̄tha, Alaska? Nahone ndi a ni vhudza uri “Hollywood na Los Angeles zwi khou redzemutshela danzheni. California, wo lovha! Hu si California fhedzi; fhedzi iwe, shango, wo lovha! Tshivhidzo, nndani ha musi u tshi luga kha Mudzimu, wo lovha!” U RALO MUYA MUKHETHWA!

³²⁷ Naa no no vhuya na mpfa ndi tshi shumisa ilo Dzina nndani ha musi zwi tshi da zwa khunyelela? Ndi a ni vhudzisa! No nndivha lwa miñwaha ya fumbili. Naa ndo no vhuya nda ni vhudza tshiñwe tshithu nga Dzina la Murena nga nnda ha tshe tsha da tsha khunyelela? Arali tshiñwe na tshiñwe tshe nda vhuya nda ni vhudza uri tshi do bvelela, tsha bvelela, i ri ni “Amene.” [Tshivhidzo tshi ri, “Amene!”—Mudz.] Ni a vhona? Ndi a ni vhudza, zwino ndi awara, ndi khwine ni tshi luga, riñe rothe.

Zwino muñwe na muñwe kha rabelele muñwe:

³²⁸ Mudzimu a funwaho, vhunga ro ima hafha madekwana a namusi, vhatu vha faho, zwifhātuwo zwashu two livhiswa kha lifhasi, buse. Ri tou...Wo ri nea iyi theri i tsheaho, Murena. Ri vhona tsumbo ya vhanna vhavhili. Muthihī wavho, e munna a rerelaho, o ya tshivhidzoni fhedzi a landula vhurangaphanda ha u ya Vhutshiloni Vhu Sa Pheli. Huno muñwe o landula bvumo la shango huno a rembulutshela Vhutshiloni Vhu Sa Pheli. Huno ri vhona nyimele dzavho vhuvhili havho madekwana a ñamusi, u ya nga ha Bivhili: munna o pfumaho u tshengelonii, huno Mushe u Vhugalani.

³²⁹ Khotsi, ri ṭodou fana na Mushe. Ri ṭodou rangwa phanda nga Murwa Wau Mukhethwa, Yesu Kristo, u ya Vhutshiloni Vhu Sa Pheli. Vhu nekedze kha mbilu dzashu madekwana a ñamusi, Murena. Kherukanya mbilu ya kale ya tombo; dzenisa mbilu ntswa ngomu hashu, mbilu ya ñama, mbilu ine U nga amba nayo nahone wa shuma nayo, huno a ri nga dihudzi kana ra vha sa pfectesi. Ngavhe Muya

Mukhethwa u sa ṭuwi na kathihi, Murena. Ngavhe U tshi da huno wa ta avha vhathe. Amba navho; kherukanya lufuno lwavho lwa tombo, huno u dzhenise lufuno lwa Mudzimu. Tshidza muñwe na muñwe, Khotsi. Ri nee lufuno Lwau. Ri ise fhethu, Murena, hune ra do ṭutshela kule na tshi—tshipida tshothe tsha nyanyuwo, ra ya kha tshipida tsho khwathaho vhukuma tsha vhudipfi... tshipida tshi pfeswaho, vhungolo ha Muya, lupfumo lwa Mudzimu, Muvhuso wa Muya mbiluni dzashu. Zwi tendele, Oo Murangaphanda Muhulwane, Muya Mukhethwa muhulwane, U sa athu U fhufha wa ya lutomboni na Tshivhidzo Tshau.

³³⁰ Oo Mudzimu, i ri ndi ṭuwe, Murena. U songo ntsia, Yesu. I ri ndi ṭuwe na Iwe, Khotsi. A thi ṭodi u dzula hafha kha ili lifhasi u sedza mañtungu aya a ñaho. A thi ṭodi u dzula hafha tshipengoni itshi. A thi ṭodi u ima hafha müsi mabono a nyanyulaho... vhathe vha tshi xelwelwa nga ḥhalukanyo dzavho. Ri sedza muthu a tshi lingedza u qifara vhunga zwivhanda nahone a vhonala a tshi nga zwivhanda; huno vhasadzi vha tshi khou lingedza u vhonala vha tshi nga dziphukha, vha na dzipennde tshifhañuwoni tshavho. Ri tshi divha zwauri izwi zwithu two bulwa uri zwi do bvelela, uri tshithu tshi do ña, vha do penga u swika nzie ñzi tshi vha hone ñzi na mavhudzi a no nga a vhasadzi u shengedza vhasadzi; na mano a no nga a dzindau, na zwithu zwe Wa amba, nyimele ya ḥhalukanyo ya vhathe i do vha yo no fhela tshothe. Ri zwi vhonä zwi tshi khou itea zwa zwino, Murena. Ri thuse! Ri vhuyedzedze kha ḥhalukanyo yo tokomelwaho ya Kristo Yesu Murena washu.

³³¹ Oo Murangaphanda Muhulwane wa Vhutshilo Vhu Sa Fheli, ri ṭanganedza pfulufhedziso Yau madekwana a ñamusi, Khotsi. Ndi humbelela avha vhathe. Ndi humbelela muñwe na muñwe wavho, nga Dzina la Yesu Kristo, Murena. Ndi rabela uri Kristo Murwa wa Mudzimu a dzhene mbiluni dza muñwe na muñwe washu, Murena, huno u ri vhumbe nahone u ri ite zwivhumbwa zwiswa kha Yesu Kristo. Zwi tendele, Murena Mudzimu.

³³² Ri a U funa. Huno ri ṭoda mikhwa yashu... tshanduko yashu i tshi dzhena ngomu hashu, uri ri vhe vhana Vhau, ra pfa Muya Wau u tshi shuma mbiluni dzashu, Murena, u tshi ri ita vha vhulenda nahone u tshi ri ñisa kha u ḥalukanya hetshi tshikhathi tshi pengaho tshire ra khou tshila khatsho. Zwi tendele, Mudzimu. Musi ri tshi vhona vhasadzi vhaswa vho fashwa zwingafha nga buvhi la Diabolo, vhatheannga, ḥhalukanyo dzo shandeaho, vhana, phuli dza zwikambi, vha tshi daha dzisigarete, vha tshi nwa, vha si na vhudilisi, Edeni ya Sañhane.

³³³ Mudzimu, two U dzhiela miñwaha ya zwigidi zwa rathi, u ya nga ha Bivhili, u fhaña Edeni. Huno Wo vhea murwa Wau na mufumakadzi wawe ngomu henefho (muselwa wawe), u i

vhusa. Huno Saṭhane a ḍa huno a i shanda; u na miṇwaha ya zwigidi zwa rathi, huno o fhaṭa Edeni yawe ya vhuṭali nga saints, na pfunzo, na vhu no sokou vhidzwa vhuṭali, huno o i fhaṭa ya vha tshika ya lufu.

³³⁴ Oo Mudzimu, ri humisele Edeni hafhu, Murena, hune hu sa vhe na lufu, hune hu sa vhe na vhuṭungu. Zwi tendele, Murena. Ri ima nga u dītukufhadza, ro lindela Adamu wa vhuvhili uri a dele Muselwa Wawe. Ri ite tshipida Tshawe, Khotsi. Ri rabela Dzinani la Yesu. Amene.

³³⁵ Naa Mudzimu ni a mu funa? Naa ni a pfa... Naa ni a ṭalukanya zwine nda khou lingedza u ni vhudza? Arali ni tshi kona u pfesesa, itonu imisa zwanda zwaṇu, ni ri, "Ndi a pfesesa zwine na khou lingedza u amba." Naa ni a vhon a tshipengo tsha tshikhathi itshi? Sedzani uri tsho fhela hani, a hu tshe na na zwiitisi vhusati ha vhathe. Tsho fhela! Naa vhashu vha ngafhi...? Na vharangaphanda.

³³⁶ Sedzani Mphuresidennde washu! "Arali vha tshi ḍoda Vhukomunisi, i ri ni vha vhe naho. Tshiṇwe na tshiṇwe tshine vhathe vha tshi ḍoda, i ri ni vha vhe natsho." Naa vha ngafhi vho-Patrick Henry vhashu, vho-George Washington vhashu? Naa vha ngafhi vharangaphanda vhashu vhanne vha nga imelela mulayo? A ri tshee navho.

³³⁷ Naa zwivhidzo zwashu zwi ngafhi, vhashumeli vhashu? Vha ḍo dzhia vhathe lu si lwa tshothe, kana vha dzhena, vha vha miraḍo ya tshivhidzo huno vha ita *hetshi* kana vha vha na mudzinginyo kana tshiṇwe tshithu. Naa vha ngafhi avho vhanna vha Mudzimu, avho vhaporofita vha no ima nahone vha si ofhe u tshikafhadza, u nyadza zwithu zweṭhe zwa shango?

³³⁸ Naa vha ngafhi avho vhanna vha no hulisea? Vha ngafhi? Vha tou vha vhatete zwihulusa, huno vho fhira kha mihumbulo ya vhuṭali na zwithu, u swika vha si tsha vha fhano. Oo Mudzimu, ri khathutshele.

³³⁹ Aya mabono a nyanyulaho a no khou da kha lifhasi. Inwi ni nga vhon auri vhathe vha khou dzhena hani henefho khatsho. Ndi tshipengo. Fhedzi musi itshe tshithu tshi tshi rwa, Tshivhidzo tshi ḍo vha tsho no ḫuwa.

³⁴⁰ Mudzimu, i ri ri vhe henengei. Iyo ndi thabelo yanga kha Muthu A Re Nga N̄tha Ha Mupo muhulwane a re tshifhatoni itshe madekwana a namusi, Kristo muhulwane ane a kha ḫi vha na Vhutshilo Vhu Ša Pheli. Ndi a U rabela, Kristo, vhunga ndi fhano ndo vula maṭo anga, ndo sedza tshivhidzo tshe Wa tshi rengulula nga Malofha Au. Mudzimu, u songo tendela muṇwe washu a tshi xela. Ri ḫodou luga kha Iwe. Ngauralo ri kunakise, Oo, Murena, vhatshinyini hashu hoṭhe. Tusa zwivhi zwashu na zwithu.

³⁴¹ Ro U vhon a tshi fhodza vhalwadze vhashu, nahone u tshi vusa vhabu vhashu (vha tshi dovha vha tshila nga thabelo),

huno ro vhona izwi zwithu zweṭhe zwi tshi bvelela, Khotsi. Zwino *ri* vhuyedzedze Vhutshiloni, lwa maya; *ri* vhuyedzedze kha u talukanya Vhutshilo Vhu Sa Fheli nga Kristo Yesu. Zwi tendele hezwi, Khotsi. Ndi zwi kumedzela zweṭhe kha Iwe. Dzinani ḥa Yesu Kristo.

U swika ri tshi ḫangana! u swika ri tshi
ᬁangana!

U swika ri tshi ḫangana milenzheni ya Yesu;
U swika ri tshi ḫangana!

Sedzani Khae. I ri ni A ri ite vhatete.

...ri tshi ḫangana!

Mudzimu a vhe na inwi u swika ri tshi
ᬁangana hafhu!

³⁴² Ri imisa zwanda zwashu zwino:

U swika ri tshi ḫangana! u swika ri tshi
ᬁangana!

Mukomana Salano, muñwe fhedzi a no tevhela. [Muñwe u ri, “Tshinwe-who tshi hone?”—Mudz.] Hai. Mudzimu a ni
fhaṭutshedze. 

VHURANGAPHANDA TSV65-1207

(Leadership)

Hoyu Mulaedza nga Mukomana William Marrion Branham, u rangani wo
ñewa nga Tshisimane nga madekwana a Łavhuvhili, Nyendavhusiku 7, 1965,
u itela tshimima tsha Vhuṭama Ha Dzitshaka Ha Vhanna Vha Bindu Vha
Mafhungo-mađifha O Ḥalaho ngei Covina Bowl kha ḥa Covina, California,
U.S.A., wo dzhiwa kha rekhodo ya theiphi ya maginete huno wa gandiswa
u songo pfufhifhadzwa nga Tshisimane. Heyi ḫalutshedzo ya Tshivenḍa yo
gandiswa huno ya phaṭaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org